

5

2

寶刻叢編卷第十三

兩浙東路

越州

大都督紹興府春秋為越國之都秦屬
 會稽郡漢因之東漢置會稽郡乃自吳
 縣徙治山陰晉宋齊梁陳皆因之宋無
 置東揚州尋廢梁復置東揚州隋平陳
 郡廢改州曰吳州大業初置越州尋廢
 置會稽郡唐復為越州天寶元年曰會
 稽郡陞為鎮東軍
 皇朝因之統縣八
 會稽山陰
 蕭山
 新昌

秦會稽山刻石

史記秦始皇本紀云上會稽祭大禹望于南海
 卷三十一

而立石刻頌秦德越絕書云始皇以三十七年
東遊會稽以正月甲戌到越留舍都亭取錢塘
浙江岑石、長丈四尺南北而廣六尺西面廣
尺六寸刻文六于越東山上其道九曲去越二
十一里水經云秦始皇登稽山刻石紀功尚在
山側孫暢之述征記云丞相李斯所篆也梁書
竟陵王子良為會稽太守范雲為主簿雲以山
上有始皇刻石三句一韻多作兩句讀之並不
得韻又其字皆大篆人多不詳雲夜取史記讀
之明日登山讀之如流張守節云會稽山刻李

斯書其字四寸畫如小指圓鑄今文字整頓是
小篆字予嘗上會稽東山自秦望之山巔並黃
茅無樹木其山側有三石筍中有水一泓別無
他石、筍並無字復自小迆別至一山俗名鵝
鼻山、頂有石如屋大中間挿一碑于其中文
皆為風雨所剝隱約就碑可見缺畫如禹廟沒
字碑之類不知此果岑石歟非始皇之力不能
挿于石中此山絕險罕有至者得一採藥者引
之至耳非為碑也或云大篆或云小篆皆不可

攷
姚寬
叢語

禹廟窆石銘

漢窆石銘永建元年五月金石錄

禹廟窆石遺字直寶文閣王順伯復齋金石錄
定為漢刻舊經云禹葬于會稽取此石為窆
會稽志

漢曹娥孝女碑

漢度尚所立邯鄲淳文諸道石刻錄

在會稽縣東南七十二里按後漢書云元嘉元
年縣長度尚改葬娥為立碑會稽典錄云尚弟
子邯鄲淳文字子禮時甫弱冠而有異才尚先

使魏朗作曹娥碑文成未出會即見尚與之
飲宴而子禮方下督酒尚問朗碑文成朗辭不
才因試使子禮為之搦筆而成無所點定朗嗟
嘆不暇遂毀其草其後蔡邕又題八字曰黃絹
幼婦外孫齏臼其碑歲久字多訛缺至景德中
會稽志重立

漢石經遺字

在州治蓬萊閣諸道石刻錄

晉黃庭經

凡三本無書人名氏前二本大約相類題云永

和十二年山陰縣寫石在越州後一本其後不
完不知石所在集古錄目

齊桐柏山金庭館碑

南齊征虜將軍南清太守司徒左長史揚州行
事沈約造揚州刺史驃騎記室倪珪之書據記
稱永泰中定居桐柏嶺因地名建館曰金庭宮
命置道士十人而已為之首蓋道士自叙之言
非約所撰其謂造之者疑如後世所立碑之類
尔碑以永元三年立集古錄目
在剡縣東南七十二里本觀內齊永元三年正

月七日立訪碑錄

隋禹廟碑

隋史陵正書大業二年五月立其文字磨滅十
五六而其末隱、可辨云會稽郡缺二字史陵書
筆法精妙不減歐虞按張懷瓘書斷云褚遂良
嘗師史陵蓋當時名筆也今此碑磨滅而僅存
世之藏書者皆未嘗有非余收錄之富則遂不
復見于世矣金石錄

唐虞世南碑

貞觀二年閏二月五日立在會稽縣南二十里

訪碑錄

唐龍泉寺碑

唐虞世南撰布衣董彝重書汝門好直篆額大
周天授二年立大和六年再建在餘姚諸道石刻錄

周密州司馬康遂誠墓誌

行書不著書撰人名氏君諱遂誠字筠會稽山
陰人仕至密州司馬長壽二年四月二十日卒
以三年正月二十四日與夫人柳氏同歸窆于

籬渚山之舊塋新增

唐賀知章二告

一延和元年八月
一開元四年八月政和辛卯摹勒上石復齋碑錄

唐龍瑞宮記

唐賀知章撰并正書開元二年立諸道石刻錄

唐高行先生徐師道碣

唐姚奕撰序賀知章銘于嶠之書開元十一年
四月立金石錄

唐香巖寺碑

唐銀青光祿大夫康希銳撰趙州刺史東海徐
嶠之書香巖寺者本梁賈思舊宅其妻捨充梵

字舊名同惠神龍中請而署為碑以開元十一年六月立新增

唐秦望山法華寺碑

唐李邕撰并行書開元二十二年十二月金石錄

唐康公夫人許氏墓誌

唐王壽撰褚庭誨正書天寶五載五月二十五

日立復齋碑錄

唐宇文顥山陰述

唐竇公衡撰杜陵史懷則分書并篆額天寶十

三載甲午夏四月立在山陰復齋碑錄

懷則與惟則同時必其兄弟也惟則以八分著名懷則之書蓋不減惟則而初不見稱于當時者豈非其位不顯乎以此知士負其藝能或以垂名于不朽或遂湮沒而無聞者蓋亦有幸不幸也若懷則之書非見錄于余則遂泯沒于後矣金石錄

唐法華寺玄儼律師碑

唐秘前書省正字萬齊融撰武部郎中徐浩書律師姓徐氏諸暨人居越州法華寺碑以天寶

十五年六月立集古錄目

唐休光寺法真師行業贊

唐王燧撰洪元睿集王羲之行書天寶十五年

立在餘姚諸道石刻錄

唐龍泉寺常住田碑

唐萬齊融撰范的書諸道石刻錄

唐徐浩先塋題記

唐徐浩正書大曆九年十月

唐題寶林寺詩

唐會稽公徐浩撰并書集古錄目

唐謁禹廟詩

唐徐浩撰并書訪碑錄

唐台州刺史康希銑碑

唐顏真卿撰并書大曆十二年立在離渚官遣

匠摹本為村民擊碎諸道石刻錄

唐南鎮會稽山神永興公祠堂碣

唐試左衛威兵曹參軍羊士諤撰試太子正字

韓行材書韓芳明篆額唐封會稽山神為永興

公貞元年奉詔禱祠作此銘無刻石年月

唐嘉祥寺大覺禪師影堂記

唐崔元翰羊士諤書貞元元年諸道石

唐復禹廟冠冕記

唐崔及撰馬積正書元和三年十月立在城東

禹廟內諸道石
刻錄

唐禹廟詩

唐浙東觀察使越州刺史薛平詩不著書人名

氏羊初至鎮易禹廟金紫服以冠冕後因祈雨

作此詩其和者鹽鐵轉運崔述等凡十七首集

目錄

唐杭州司士盧君第二女墓表

唐林賈詞元和六年秋八月唐寅立復齋
碑錄

唐建南鎮碣記

唐孟簡撰陳構正書元和十年十月金石
錄

唐孔子弟子贊

唐明皇源乾曜盧從愈李杭元行冲張嘉貞宋

璟陸餘慶姚元宗蘇頌裴灌撰正書無名氏篆

額元和十年十二月刺史孟簡立在州學復齋
碑錄

唐庾肩吾孟簡經禹廟詩

唐庾肩吾孟簡撰謝楚行書元和十一年八月

復齋

碑錄

卷十三

唐禹穴碑

唐鄭勳序元積銘韓行材行書寶歷二年九月

立錄

唐春分授簡陽明洞天并徒作

唐元威明白居易撰王璿分書劉蔚篆額大和

三年正月十五日立在龍瑞宮復齋碑錄

唐杜義墓誌

沙門義述大和三年四月二十四日薨復齋碑錄

唐寧貢禪師塔銘

唐沈的撰并行書沙門潭鏡八分書額大和五

年九月建在山陰縣界昭福寺復齋碑錄

唐大龍興寺惠崇大師碑

釋好直述門人宗易行書大和五年十月十五

日建在餘姚復齋碑錄

唐法華寺詩

唐越州刺史李紳撰徐浩書大和八年刻集古錄目

唐李紳撰後自序題云大和甲寅歲遊寺刻詩

于壁詳自序所言似紳自書然以編州題名較

之字体殊不類集古錄

唐修龍宮寺碑

卷十三

唐李紳撰行書無姓名大和九年四月立

唐王士倫墓誌

大和九年終于豎陽諸道石刻錄

唐修阿羅漢塔記

沙門知白述王辭正書開成二年九月八日立

在餘姚復齋碑錄

唐越州都督府戶曹參軍齊君墓誌

樂安蔣環撰無書人姓名開成三年正月終四

月寔于會稽王司山之南原復齋碑錄

唐開元觀夏尊師墓誌

唐何得一述正書無姓名會昌元年二月十九

日卜宮于陶朱峰在諸暨復齋碑錄

唐尊勝徑幢

唐奚獎行書會昌元年六月復齋碑錄

唐五大夫市新橋記

唐周授書會昌三年月屬無射二十有九日建
在會稽虞江之東

唐賜李褒改大中禹迹寺勅

大中年刻復齋碑錄

唐戒珠寺記

唐衢州刺史趙璘撰貝靈該八分寺以會昌中
被廢宣宗初復立碑以咸通元年正月立集古
目
唐大慶寺衆尼粥田記

唐裴淡述王隨正書并額咸通三年十月二十
七日立

唐平察微墓誌

咸通三年八月寔于陶朱鄉赤山之崗諸道石
刻

唐瑯琊王子琚墓誌

唐李修撰陳郵郵行書咸通三年十一月二十日

復齋
在上虞碑錄

唐彭城劉府君墓誌

唐楊珪撰咸通十年在諸暨

唐大慶寺復寺記

唐貝靈該八分書并篆額咸通十一年二月二

復齋
碑錄

唐魏細府君墓誌

唐陳子蘊撰正書無姓名咸通十一年十一月

一日刻

唐尊勝經幢

唐王錡書并鐫字咸通十三年八月聞人銖等

造在戒珠寺復齋碑錄

唐尊勝經幢

唐王修己書咸通十五年復齋碑錄

唐尊勝經幢

唐陳靈欣書咸通十五年復齋碑錄

唐浙東都團練董綱墓誌

唐魯郡祝知微撰正書無姓名綱字正臣乾符四年終在山陰

唐平陽霍夫人李氏墓誌

乾符六年復齋碑錄

唐滕夫人墓誌

廣明元年復齋碑錄

唐侯官令魏公墓誌

袁述中和元年復齋碑錄

唐立晉王右軍祠堂記

從十一代孫師乾撰無書人名氏在城內戒珠

寺諸道石刻錄

雲門寺畫華嚴經變讚

馬鴻翥墓田琦分書復齋碑錄

石氏可刻歷代名帖

周穆王吉日癸巳
鍾繇力命表
王右軍蘭亭記
海宇樂毅論
獻之十三行洛神賦
集正書筆陣圖
玉枕尊勝呪
褚遂良草陰符經
虞世南破邪論序
顏魯公論座位帖
顏魯公祭姪文
顏魯公鹿脯帖
柳公權消災經
白樂天詩簡

蔡邕石經遺字
鍾繇墓田丙舍帖
黃庭經遺字
東方先生畫像贊
晉賢書曹娥碑
歐陽詢書心經
褚遂良小字陰符經
褚遂良度人經
顏魯公寒禽帖
顏魯公祭伯父文
顏魯公馬伏波帖
柳公權清淨經
柳公權泥甚帖

秘閣續帖十卷蘭亭續帖六卷

在州學

婺州

春秋戰國皆屬越秦屬會稽郡二漢因之吳孫皓分置東陽郡晉宋齊因之梁置金華郡陳因之隋平陳郡廢置婺州以當天文婺女之分為名大業初州廢復置東陽郡唐武德四年置婺州天寶元年曰東陽郡石晉勝武陞勝軍節度皇朝淳化元年改
寶寧軍今縣七
永康
金華
東陽
義烏
蘭溪

梁智者法師碑

梁太子綱撰天監中武帝執弟子禮大同元年

歸舜諸道石刻錄

陳善慧大士碑

卷十三

陳侍中尚書左僕射領大著作徐陵撰陳大建
五年太歲癸巳七月五日書吳興吳文純刻字
碑陰紀大士問答語并題眷屬檀越弟子名

復齋
碑錄

陳知善閣黎碑

陳侍中金紫光祿大夫王名缺撰大建五年立

諸道石
刻錄

陳惠集法師碑

陳大建六年尚書左僕射領國子祭酒豫州大

中正周弘正撰
諸道石
刻錄

唐赤松巖寺碑

唐進士劉處仁撰垂拱四年六月立諸道石
刻錄

唐寶巖院千歲和尚碑

僧宗一撰開元二年四月立諸道石
刻錄

唐張長史千文

乾元二年復齋
碑錄

唐涼泉寺碑

僧法珪撰蔣恁行書大曆十年三月八日

唐東陽令戴叔倫去思頌

唐陸長源撰李秋寔八分書興元二年五月二

十八日建在本縣學復齋碑錄

唐温州安固令王懷瓚墓誌

正書無書撰人姓名貞元十三年十一月甲申

定于郡城復齋碑錄

唐靈隱寺東峯新亭記

唐馮宿撰釋乾覺正書貞元十七年十一月七

日己丑建在苕溪復齋碑錄

唐普安院左溪大師碑銘

唐檢校吏部員外郎李華撰孫承釗毛如浦等

行書篆額大和九年十二月二十五日立在浦

江復齋碑錄

唐法華寺碑

唐鄭路撰陳修古正書并篆額會昌二年正月

立在東陽復齋碑錄

唐法隆寺經幢

大中十一年立諸道石刻錄

唐盧府君廟記

大中十一年立諸道石刻錄

唐轉輪經藏記

刺史裴翻撰咸通八年立諸道石刻錄

太平寺尊勝經幢

唐何重瓌書咸通六年五月立 諸道石刻錄

唐俱胝院石幢記

唐陳孝恭撰咸通十年八月立 諸道石刻錄

唐崇建寺重雲大師真身記

唐進士李彙撰李嚮篆額乾符三年立 復齋碑錄

唐武威侯廟記

唐進士唐巖撰廣明元年二月立 諸道石刻錄

唐再建大廳記

唐前福州觀察支使沈光撰廣明二年十月立

諸道石刻錄

唐還珠記

唐浙東觀察使元積撰 諸道石刻錄

唐聖壽寺碑

唐拾遺綦毋潛撰 諸道石刻錄

唐和安寺碑

唐明州鄞縣尉郡朗撰 諸道石刻錄

唐西安寺碑

唐右庶子致仕滕白撰 諸道石刻錄

後唐鶴巖院記

清泰三年七月立在金華 諸道石刻錄

晉樂安院記

僧慧月撰僧紹清正書晉天福八年十一月十

八日立在南溪 復齋碑錄

晉興法院記

開運三年七月立 諸道石刻錄

漢靈應鐘銘

乾祐五年 諸道石刻錄

周明昭院禪主和尚壽塔記

大理許事章仁安撰廣順三年六月立在武義

諸道石刻錄

周普濟院記

張廷拱撰顯德三年立在義烏石 今已諸道石刻錄

周永寧院記

進士張安世撰顯德四年四月立在南溪 諸道石刻錄

明州

秦屬會稽郡漢已降因之唐開元二十
六年採訪使者齊瀚奏以越之鄞縣置
以境省四明山為名天寶元年曰餘姚
郡朱梁陞為望海軍節度
皇朝建隆二年改
奉國軍今縣六
鄞縣奉化
定海象山昌國

唐小字道德經

唐明皇注八分書不著名氏開元二十七年立

集古錄目

小字八分書不著書人名氏或云石在明州今
一上矣字畫精妙見者多疑為明皇書而知非

者以其首但題御注而不云御書也碑以開元二十七年立集古錄

唐聖主興明故魯先聖文宣王頌

唐李處祐撰并書王延瓊鐫并篆額天寶九年

九月七日立復齋碑錄

唐刺史裴儼紀德碣

唐越州刺史浙江東西節度副使王密撰集賢

院學士李陽冰篆裴公名儼代宗時為明州刺

史歲滿罷去州人為之立碑不著刻石年月集古

目錄

唐王密撰李陽冰篆并古文額大歷八年立建

炎中焚毀今有重刊本復齋碑錄

唐刺史裴儼紀德碣

唐王密撰八分書姓名殘缺復齋碑錄

唐董黯孝子碣

唐明州刺史在殷撰前吏部侍郎集賢院學士

徐浩書孝子後漢人名黯字叔達句章人也和

帝時殺其鄉人以報親讐召拜即中不受大歷

中殷為刺史葺其祠宇以大歷十二年二月立

此碑集古錄目錄

卷三

九

唐刺史王密德政碑

唐浙東觀察判官李舟撰太子少師顏真卿書

國子監丞李陽李冰篆額王公名密德宗初自

明州移為湖州刺史州人潘洵阮津等請立遺

愛碑以建中二年十月立并勅書同刻勅徐浩

所書也集古錄目

唐文宣王廟碑

唐前侍御史裴碑缺八分書篆額貞元四年正

月旬有一日建復齋碑錄

唐南樓詩

唐陳右撰胡師模八分書元和二年十二月立

金石錄

唐天童巖寺太白禪師塔銘

唐范的撰并書元和乙未建復齋碑錄

唐移州城記

唐韓行材撰韓泉正書并篆額長慶二年歲次

壬寅立復齋碑錄 韓行材韓行材撰并書劉蔚篆額大和二年六月

唐天童巖寺碣

唐范的撰并書篆額長慶三年仲春復齋碑錄

唐清泉寺大藏經記

此三種碑碣皆在

唐韓杼材撰并行書劉蔚篆額大和二年九月
立金石錄

唐新修文宣王廟記

唐鄭楚南撰令狐驥正書篆額大和六年二月
十五日立復齋碑錄

唐封孔子為文宣王冊

唐玄宗御製行書無名大和七年七月十九日
明州刺史于季友建復齋碑錄

唐阿育王寺常住田記

唐萬齊融撰危的行書大和七年十二月刺史

于季友重立元碑乃徐嶠之書復齋碑錄

唐大梅山常祖師還源碑

唐江積撰并正書開成五年七月諸道石刻錄

唐蓬萊觀碑

唐孫謙卿撰貝靈誥分書正上方外篆額大中二
年六月十九日建在象山諸道石刻錄

唐重置開元寺碑

唐陶祥撰劇歷之分書并篆額大中八年七月

立復齋碑錄

鮑君廟記

揚倫書 諸道石 列錄

唐海濤志

温州

春秋屬越秦二漢屬會稽郡吳屬臨海
 郡晉明帝置永嘉郡宋齊梁陳因之隋
 平陳郡廢屬處州大業初屬永嘉郡唐
 武德五年置東嘉州貞觀元年廢屬括
 州上元二年置温州天寶元年曰永嘉
 郡石晉陞靜海軍節度
 皇朝太平興國二年降軍事今縣四
 永嘉 平陽 瑞安 樂清

唐竇叔蒙撰其書六篇一曰海濤志二曰濤歷

三曰濤日時四曰濤期五曰朔望體象六曰春

秋仲月漲濤解余嚮在揚州得此志甚愛之張

于座右之壁異於朝夕見也已而夜為風雨可

壞其後求之凡十五年而復得斯本以示京師
好事者皆云未嘗見也

集古錄

海濤志濤歷濤日時濤期朔望體象春秋仲月
漲濤解凡六篇唐竇叔蒙撰其說以月朏朏候
濤汐之進退并竇氏濤日時疏一篇越州刺史
孟簡撰皆陶愆書朱巨題額不著刻石年月

集古

目錄

唐仙岩四瀑布詩

路應等唱和行書貞元七年三月

金石錄

唐置玉清觀制

乾寧四年

諸道石刻錄

台州

春秋戰國屬越秦屬會稽郡二漢因之
吳置臨海郡晉宗齊梁陳因之隋年陳
郡廢屬處州後屬永嘉郡唐武德四年
置海州五年改為台州天寶元年曰臨
海郡
皇朝因之今縣五
臨海黃巖寧海
天台仙居

唐普濟寺碑

唐許敬宗撰訪碑錄

唐台州司馬韓公素真贊

天台峯白雲撰并書先天元年刻諸道石刻錄

唐玄宗真容應見制

卷十三

開元二十九年六月一日下臨海太守賈長源
刻輔崇八分書復齋碑錄

唐桐栢觀碑

唐祠部郎中崔尚撰翰林院學士慶王府屬韓
捧木八分書天台山有廢道宮相傳以為晉葛
玄所居唐景雲初詔建為桐栢宮道士司馬于微
營而成之碑以天寶元年三月立集古錄

唐宗德遇墓誌

唐金濟時撰正書無名元和三年諸道石刻錄

唐天台佛隴禪林寺記

唐陳讓撰徐放書元和六年五月立在天台復齋碑錄

唐智者大師修禪道場碑

唐梁肅撰徐放書陳修古篆額元和六年立在天台復齋碑錄

天台復齋碑錄

唐柳泌主清行

隱居台州刺史柳泌述并書元和十四年歲在
己亥九月十五日建在天台復齋碑錄

唐柳泌題瓊臺詩

總仙刺史柳泌無年月正書磨崖天台復齋碑錄

唐白即岩記

唐王 撰何歸儒分書篆額寶歷元年閏七月

八日建復齋碑錄

唐修桐栢宮碑

唐浙東團練觀察使越州刺史元稹撰并書

州刺史顏顥篆額桐栢宮以景雲中建道士徐

靈府等重葺碑以大和四年四月立集古錄

唐天台禪林寺智者大師畫像贊

唐顏真卿撰在顏顥正書男汝玉篆額大和四年

冬季月建復齋碑錄

唐智者大師畫像贊

唐顏真卿撰沙門行昉分書諸道石刻錄

唐佛窟大師碑

唐韓 撰張抱元正書大和六年刻諸道石刻錄

唐長生田記

唐顏顥撰何歸儒書并篆額諸道石刻錄

唐赤城山中岩寺碑

沙門神邕撰牛僧孺書開成元年復齋碑錄

唐蒼山廟記

唐宋誠撰分書無姓名篆額會昌六年十月記

復齋碑錄

唐國清寺額

唐柳公權書大中七年八月八日僧澄觀乞額狀及柳公權批答諸道石刻錄

唐天台導元院記

唐張仁頴撰道士葉瓊彥書道士葉孤雲分書

額文德元年十一月立復齋碑錄

漢重修法空大師塔亭碑

臣彙征奉制撰臣程延翰奉制書乾祐三年九月六日庚午建復齋碑錄

慶州

春秋戰國屬越秦屬會稽郡二漢因之吳置臨海郡晉屬永嘉郡宋以後因之隋開皇九年平陳置慶州十二年改為梧州大業初州廢置永嘉郡唐武德四年復置梧州天寶九年改為緡雲郡大曆四年避德宗名改為慶州皇朝因之今縣六
龍泉 松陽
麗水 緡雲 青田
遂昌

宋石門頌

大宋元嘉十有九年歲在壬午刊而記諸在青

田縣界復齋碑錄

唐有道先生葉國重碑

卷十三

唐松陽令李邕撰并書國重道術之士字雅鎮
南陽葉縣人碑以開元五年三月立

集古錄目

余集古所錄李邕書頗多最後得此碑於蔡君
謨君謨善論書為余言邕之所書此最為佳也

集古錄

李邕既為撰碑而難於書法善追其鬼而書之
世號追鬼碑其間用字多差誤是時夜艾鐘鳴
李公書未畢而覺碑因存而不易續以碑示邕
邕笑曰初以為夢今果然耶

葉法善傳

諸道石刻錄

唐贈歙州刺史葉慧明碑

唐松陽令李邕撰國子監太學生韓擇木八分
書慧明字道昭南陽人隱居學道玄宗時于法
善以道術顯為鴻臚卿追贈慧明歙州刺史碑
以開元五年七月立

集古錄目

唐史隱山記

唐李陽冰撰在縉雲

復齋碑錄

唐李陽冰殘碑凡數百字雖首尾不完文字缺
減而歷々可讀其間多述山水景物其最後曰
名之曰史隱山又曰時唐百二十九載以歲次

推之則天寶五載也集古錄目

唐淳和觀鐘銘

唐郭階撰郭陽正書乾元二年正月十五日建

復齋碑錄

唐城隍廟記

唐縉雲令李陽冰撰并篆書陽冰禱廟而雨因

移建于山上碑以乾元二年八月立在縉雲縣

集古錄目

陽冰為縉雲令遭旱禱雨約以七日不雨將焚

其祠既而雨遂徙廟于西山陽冰所記云城隍

神祀典無之吳越有亦然今非止吳越天下皆

有而縣則少也集古錄

唐重修文宣王廟記

唐縉雲令李陽冰撰并篆陽冰為縉陽雲令重

修孔子廟像碑以上元二年七月刻在縉雲縣

集古錄目

唐忌歸臺銘

無刻石年月在縉雲縣集古錄目

唐李陽冰撰并書此銘及孔子廟城隍神記三

碑並在縉雲其篆刻比陽冰平生所篆最細瘦

世言此三石皆活歲久漸生刻處几合故細尔
然時有數字筆畫特偉勁者乃真蹟也集古錄
集古錄云此銘及孔子廟城隍神記三碑並在
縉雲其篆刻比陽冰平生所篆最細瘦世言此
石皆活歲久稍生刻處几合故細尔恐無是理
若果尔更加以歲月則遂無復有字矣此數碑
皆陽冰在肅宗朝所書是時年尚少故字畫差
疎瘦至大歷以後諸碑皆暮年所篆筆法愈淳
勁理應如此也金石錄

唐李氏窪樽銘

唐李陽冰撰并篆无刻石年月在縉雲碑復齋錄

唐阮客舊居詩

唐縉雲令李陽冰撰并篆書阮客隱者也碑无

刻石年月在縉雲集古錄目

詩云阮客身何在仙雲洞口橫人間不到處今
日此中行阮客者不見其名氏蓋縉雲之隱者
也彼以遁俗為高而終以无名于後世可謂獲
其志矣然聖人有所不取也陽冰欲稱其人而
不顯其名字何哉豈阮客見稱于當時而陽冰
不慮于後世耶夫士固有顯聞于一時而泯沒
卷三

于後世者矣。顧其道何如也。陽水篆字世傳多矣。此磨滅而僅存尤可惜也。集古錄。集古錄以為陽水作驗。今其姓名乃縉雲令李萑。非陽水也。其字畫亦不工。蓋陽水肅宗上元中嘗令縉雲。其篆字石刻尚多有存者。故歐陽公亦誤。以此詩為陽水作。尔金石錄。

唐石門洞記

唐李陽水篆在青田。諸道石刻錄

唐石門山瀑布記并詩

唐竇公衡記并裴士淹詩並八分書。後有謝靈

運丘希範詩并布範六代姪丹和詩。大歷中陳

恒贊書。諸道石刻錄

唐石門山記

唐刺史李季貞篆書。建中四年十一月立。復齋

碑錄

唐仙都山銘

唐李敬仲撰。王光行書。篆額。貞元三年冬十月

甲申樹復齋碑錄

唐仙都山銘

唐張鸞撰。正書。無姓名篆額。貞元三年冬十月

十日題復齋碑錄

唐孔子廟碑

唐韓愈撰任迪行書大和三年建金石錄

唐麗陽廟記

唐張璠撰張道衡正書任漢藩篆額大中九年

五月戊申朔二十日乙卯建復齋碑錄

唐仙都山黃帝祠堂碑

唐袁鵬撰雲遊子正書篆額咸通八年立復齋碑錄

衡州

自隋以前地里與婺州同唐武德四年
平李子通析婺州之信安置衡州以州
西三衢山為名天寶元年曰信安郡
皇朝因之今縣五
西安江山龍遊
常山開化

唐西楚霸王祠堂記

唐賀蘭進明撰賀蘭誠行書姚穉卿篆額天寶

十三年十月八日建

唐徐偃王廟碑

唐徐安貞撰張宙正書大歷八年十月立金石錄

唐徐偃王廟碑陰記

唐張宙撰并八分書大歷八年十月立金石錄

唐韋公鐫信安郡王登石槁詩記

詩嗣江王禕撰記嚴綬撰韋存書并篆額貞元三年正月九日刺史韋光輔建

唐徐偃王廟記

唐于臯謨撰正書无姓名貞元十年秋八月立復齋碑錄

唐徐偃王新廟碑銘

唐邵令缺撰施贊分書順宗永貞元年十一月建復齋碑錄

唐遊石橋記并詩

唐刺史陸庶撰次男綜正書元和元年三月十八日刻復齋碑錄

唐遊石槁序并詩

序謝良弼撰詩劉迥李幼卿李涪謝劇羊滔撰元和七年十二月十二日

唐徐偃王廟碑

唐韓愈撰元錫正書元和十年十二月立復齋碑錄

唐東武樓碑

唐崔耿撰正書无姓名會昌二年立諸道石刻錄

四十二字惟下兩字缺有云新始建國元年蓋
王莽以始建國冠所改年號紹興初金州耕者
耕得之大守郭浩致于宣撫司後以進

御府資古紹志錄

候鈺四十二字 缺二字王莽地皇二年所作

紹興中出于金州今在毗陵胡承公家漢器如

館陶釜甘泉內者鏗之類雖非彝鼎間古文蓋

猶是篆體獨此器所書有波畫字尤清勁與漢

末筆法無異孰謂西都隸字皆古拙乎隸續

晉閔內侯廣昌長暨遊碣

咸和中湖州刺史孔彭立在餘杭訪碑

晉郭文碑

咸和中湖州刺史孔彭立在臨安訪碑

晉孝婦嚴氏碑碣

咸康六年立在餘杭訪碑

梁閔內侯盛紹遠碑

天監中聚徒教授歿後門人立碑在餘杭訪碑

唐於潛縣令丁明府德政頌

唐殷亮撰并書公名君表字元章麟德二年三

月九日立諸道石刻錄

唐韋同遊富春題

分書長安二年十二月諸道石刻

唐龍興寺碑

唐盧李詢撰李涉分書景龍四年四月金石

唐華嚴玄覽律師碑

唐工部侍郎徐安貞撰陳儀大夫褚庭誨書法

師庭誨之諸父也為杭州華嚴寺僧碑以開元

十五年八月立集古錄目

唐臨安縣主簿宅記

唐陸曾分書并篆額天寶五年七月建復齋碑

唐前餘杭令陳允昇德政碑

唐李神撰上元二年立在本縣內訪碑錄

唐天柱山天柱宮記

唐吳筠撰并書苗昭題額大曆五年立訪碑錄

唐徑山大覺禪師國一影堂記

唐崔元翰撰羊士諤正書貞元九年二月八日

立復齋碑錄

唐徑山大覺禪師碑

唐王穎撰王侑正書貞元十年十一月金石錄

唐內供奉道士吳筠碑

貞元十年立在餘杭西十九里天柱觀內訪碑錄

唐大覺禪師國一碑

唐崔元翰撰歸登行書并題額元和十年四月

十五日建在徑山復齋碑錄

唐胥山銘

唐杭州刺史盧元輔撰錢塘縣令王迺書山有

子胥廟故以為名以元和十年十一月立集古錄目

唐大覺禪師碑

唐崔元翰撰胡季良八分書并篆額寶曆二年

十一月立諸道石刻錄

唐神仙觀碑

唐盛君玉撰郁文則行書篆額大和九年正月

建復齋碑錄

唐處士鍾離府君墓誌

唐吳郡沈郛正書會昌三年十二月立在餘杭

復齋碑錄

唐大覺禪師碑

唐李吉甫撰蕭起正書大中八年十二月金石錄

唐處士吳興姚澣墓誌

大中八年九月二十四日葬錢塘復齋碑錄

唐大覺禪師塔銘

唐丘丹撰蕭起行書大中九年五月立金石錄

唐郭寧墓誌

唐孫因餘撰能遂書大中、立復齋碑錄

唐餘抗令劉允恭德政碑

在本縣內訪碑錄

唐天目山銘

在於潛縣天目山上訪碑錄

梁新建錢塘湖廣潤龍王廟碑

錢鏐記行書篆額貞明二年丙子正月十五日

庚午建復齋碑錄

梁新建功臣禪院記

錢鏐記貞明二年立在臨安縣諸道石刻錄

吳越國王錢鏐題名

梁龍德元年十一月一日天下都元帥吳越國

王鏐建置正書在南郊登聖寺磨崖復齋碑錄

後唐開慈雲嶺路記

篆書梁單開之歲興建龍山至浣灘之歲開慈

雲嶺蓋興建于梁貞明五年開嶺於唐同光二

年碑在慈雲嶺復齋碑錄

後唐尚父吳越國王謚武肅神道碑

楊凝式撰翰林待詔張恭胤行書郭在微篆額

長興五年正月立在臨安縣復齋碑錄

吳越胡進思造傳大士像塔記

晉天福十年二月十一日惠龜記在郊壇側淨

明寺復齋碑錄

吳越王題錢明觀槁記

吳越寶正六年歲次辛卯四月八日因建錢明

觀造此石槁吳越國王記復齋碑錄

吳越加句尊勝呪幢

婺州浦江縣女弟子胡氏二娘寶大二年歲次

乙酉十一月八日建在九里松觀音寺復齋碑錄

阜亭神祠碑

于僧翰書諸道石刻錄

驪峯寺記柳權書

悟空師碑

吳越國王成宗安陵題

江南李主書杜牧九日登高詩

四碑並諸道石刻錄

四城並稱...

吳越國王...

吳越國王...

...

...

...

蘓州

平江府周初封秦伯為吳國春秋末為越所併戰國屬楚秦置會稽郡漢因之東漢順帝置吳郡晉宋齊梁陳皆因之陳兼置吳州隋平陳郡廢改州曰蘓州因姑蘓山為名大業初州廢復置吳郡唐武德四年曰蘓州天寶元年曰吳郡南唐陞為中吳軍節度皇朝太平興國三年改曰平江軍政和三年陞為平江府今縣五長州 吳縣 崑山 常熟

漢外黃令高彪碑

故外黃高君碑隸額凡兩行石已損疑其上當有漢令二字紹興中吳郡取土於郭外而得之

今碑在郡齋高君舉孝廉陟三署令外黃受經

于汝南許公受知于光祿勳楊公其舉將潁川
太守文君詣廷尉遂捐官以赴之道病而卒碣
之所載頗詳獨其名字皆剝缺不可改碑云光
和七年龍在困敷月次鶉火六日丙申卒蓋靈
帝甲子年六月也是歲十二月改元中平又云
中平二年龍旂奮若月次星紀龍舒范君來典
鄙邦即乙丑十一月也乃是述立碑之事文苑
傳有高彪字義方吳郡無錫人傳云彪為諸生
遊太學有雅才而訥於言郡舉孝廉試經第一
除郎中校書東觀數奏賦頌奇文因事諷諫靈

帝異之弟五永使督幽州百官祖餞于長樂觀
皆賦詩彪獨作箴蔡邕等美其文以為莫尚也
後遷內黃令帝勅同僚臨送祖于上東門詔東
觀畫像以勸學者彪到官有德政病卒詳史之
所書甚與碑合家無錫而葬姑蘓蓋不遠也則
知此乃高彪之碑無疑但傳以外黃作內黃一
字之誤尔

隸釋

魏鍾繇賀捷表

漢建安二十四年閏月九日上

諸道石
刻錄

晉樂毅論

卷五

永和四年書賜官奴首尾存中缺後有草書二
行諸道石刻錄

杜于恭墓碑

在西郭門外寰宇記

吳偏將軍凌統碑

在吳縣東北二十五里皋亭山東碑云統字公
續吳興餘杭人也志毅果敢常為前鋒寰宇記

宋湘東太守張濟女雅兒墓誌

宋故臨渭縣侯湘東太守張府君諱濟第三女
雅兒春秋三十有一亡于編憂永徽元年十月

十七日權假窆定于西鄉復齋碑錄

梁張先師碑

梁昭明太子奉勅撰天監五年立諸道石刻錄

梁太常卿陸倕墓誌

從子襄序湘東王蕭絳銘前一半磨滅僅有姓

氏名字官爵皆不復存後有普通七年餘太常

卿字以其年六月卒塋吳縣陵山鄉碑末列祖

父二兄四男名及官爵以南史改之乃陸慧曉

之子陸倕也按史倕字佐公累遷至太常卿卒

復齋碑錄

隋橫山頂舍利靈塔銘

嚴德盛製之魏瑗正書大業四年九月八日立

復齋碑錄

唐枯樹賦

唐褚遂良撰并書貞觀四年十月八日為燕國

公書凡四百六十七字 諸道石刻錄

唐弘文館學士領君墓誌

正書无書撰人姓名乾封二年三月立碑已殘

缺亡其前一段以事改之蓋領胤也胤高宗朝

為弘文館學士司文郎中平姓名附見唐書令

狐德柔傳 金石錄

唐陸景倩妻徐夫人墓誌

分書無書撰人名氏景雲元年九月六日立 復齋碑錄

唐老子道德經幢

唐明皇八分書 諸道石刻錄

唐春申君廟碑

唐吳郡太守江東採訪使趙君貞撰前廣陵

大都督府戶曹參軍集賢院待制史惟則八分

書并篆額吳郡有春申君故宮後人因以為廟

俗訛謂之城隍神居貞廣其制度更易塑像以

朱英配饗改曰黃相廟碑以天寶十年立
集古錄目

唐清遠道士詩

唐顏真卿李德裕追和諸道石刻錄

唐畫龍記

唐李紳撰在長洲諸道石刻錄

唐重建龍興寺碑

唐房瑄撰序慕母潛銘徐擬古分書貞元十四
年十月十五日韋夏卿重刊立沈寧篆額復齋碑錄

唐龍興寺碑記重建

瑄姪孫房損述分書无姓名貞元單開歲建卯
之初日在營室以記碑陰乃貞元十五年二月

復齋碑錄

唐五龍堂記

貞元中立諸道石刻錄

唐新開常熟塘記

唐劉元文撰劉苑正書元和四年二月立金石錄

唐大德之浩和尚靈塔碑

唐崔恭撰并書元和十四年十一月五日立在

虎丘復齋碑錄

唐包山神景現林屋洞院記

開成三年立諸道石刻錄

唐周先生住山碑

唐令狐楚撰刻錄諸道石

唐武丘東山碑

唐陸東之撰刻錄諸道石

唐報恩寺慧敏律師碑

陳諫撰元錫書刻錄諸道石

後梁加句尊勝陀羅尼呪

開運三年四月復齋碑錄

華山精舍記

明聖湖記

白樂天與劉禹錫書

三碑諸道石刻錄

潤州

春秋屬吳戰國屬越後屬楚秦屬會稽
 鄞二郡漢屬會稽郡東漢屬吳郡吳王
 孫權初鎮丹徒謂之京城晉平吳置毗
 陵郡宋置南東海郡及南徐州梁改郡
 曰南蔣陵郡陳曰南東海郡自宋至陳
 常以京為口重鎮隋平陳郡廢開皇十
 五年置潤州大業初州廢屬江都郡唐
 武德三年復置潤州天寶元年改為丹
 陽郡後陞鎮海軍今縣三
 皇朝改鎮江軍今縣三
 丹徒
 金壇

吳季子墓十字碑

篆書凡十字曰烏乎有吳延陵季子之墓據張

模從申記以為孔子書碑以埋理玄宗命殷仲

容揭大歷十四年潤州刺史蕭定重刻于石集
錄日

前世相傳以為孔子所書據張從申記云舊石埋滅唐開元中玄宗命殷仲容摸揭其書以傳然則開元之前已有本矣至大歷中蕭定又刊于石則轉相傳摸失其真遠矣按孔子平生未嘗至吳以史記世家攷之其歷聘諸侯南不踰楚推其歲月蹤跡未嘗過吳不得親銘季子之墓又其字特大非古簡牘所容第以其名傳之久不可遽廢故錄之以俟博識君子集古錄

自唐以來相傳為孔子書大歷中蕭定再摸而刻之余覽史記家語及秦漢以前諸子凡孔子與學者談議問答是非褒貶纖悉必載其間荒誕之說寔非出于聖人附託書之者固有之矣况于季子之賢孔子親銘其墓不應略不見稱于前世至唐而始傳也又碑銘始于東漢孔子時所未有而其字畫乃故為奇恠以欺眩世俗者非孔子書無疑蓋好事者偽為亦故余特為之以解來者之惑後有博識之士當以余言為

自前世以來傳為孔子書故太白撰紫陽先生
銘有延陵既歿仲尼嗚呼之語字苑云李陽
冰初師嶧山碑後見仲尼季札墓刻遂文化開
闔若龍蛇蟠踞自言斯翁之後直至小生曹喜
蔡邕不足比數此碑大厯十四年蕭定丹刊本
然必謂吾夫子書於何所據也集古後錄

瘞鶴銘

稱華陽真逸撰不著名氏不知其何時人潤州
圖經以為王羲之書銘刻于焦山之足常浸水
中人候水落時摸之不過得其數字此本凡七

十字最為多也

題云華陽真逸撰刻於焦山之足常為江水所
沒好事者伺水落時摸而傳之往往祇得其數
字惟余所得六百餘字獨為多也按潤州圖經
以為王羲之書字亦奇特然不類羲之筆法而
類顏魯公不知何人書也華陽真逸是顧况道
號今不敢遂以為况者碑無年月不知何時疑
前後有人同此號者也集古錄

題華陽真逸撰莫詳其為何代人歐陽公集古
錄云華陽真逸是顧况道號余遍檢唐史及况

文集皆無此號惟撰湖州刺史廳記自稱華陽
山人尔不知歐陽公何所據也金石錄

資政即公允嘗就焦山下缺石攷次其文如左
其不可知者闕之故差可讀然文首尾似粗可
見雖文全而止此百餘字尔而歐陽公集古錄
謂好事者往只得數字唯余所得六百餘字
獨為多矣蓋印書者傳說誤以十為百當時所
蓋六十餘字故云此數家本為多此銘相傳為
王右軍書故蘓舜欽子美詩云山陰不見換鵝
徑京口新傳瘞鶴銘文忠以為不類王法而類

顏魯公又疑是顏况之道號同又疑是王瓚僕
今審定文格字法殊類陶弘景弘景自稱華陽
隱居今日真逸者豈其別號歟又其著直詰但
云己卯歲而不著年名其他書亦尔今此銘壬
辰歲甲午歲亦不書年名此又可證云壬辰者
梁天監十一年也甲午者十三年也按隱居天
監七年東遊海嶽權駐會稽永嘉十一年始還
茅山十一年乙未歲其弟子周承子良仙去為
之作傳即十一十三年正在華陽矣此銘後一
又有題丹陽尉山陰宰數字及唐王瓚詩字畫

亦類似瘞鶴但筆勢差弱當是効陶書故題于石側也或以銘即瓚書誤矣王逸少以晉惠帝大安二年癸亥歲生年五十九至穆帝升平五年辛酉歲卒則成帝咸和九年甲午歲逸少方年三十二至永和七年辛亥歲年三十八始去會稽而間居則不應三十二年已自稱其逸也又朱官于朝朝及間居時不在華陽以是攷之此銘決非右軍也審

朱方鶴銘陶貞白書在焦山下石頑難刊且為水泐故字無鋒穎若掘筆書味者從而効之深

可一笑並東觀餘論

冬日陪群公泛舟詩

謫丹陽功曹掾王瓚在瘞鶴銘傍字畫亦同道諸

石刻錄

在瘞鶴銘傍其字畫正同蓋一人所書也題搗丹陽功曹掾而不見其名詩與書皆工然世頗罕傳金石錄

宋文帝神道碑

太祖文皇帝之神道凡八大字而別無文詞惟以此為表識亦古人碑刻正當如此而後世鑄表古

刻功德爵里世系惟恐不詳然自後漢以來門
生故吏多相與立碑頌德矣余家集古所錄三
代以來鐘鼎彝盤銘刻備有至後漢以後始有
碑文欲求前漢時碑碣卒不可得是則冢墓碑
自後漢以來始有也此碑無文疑非宋世立蓋
自漢以來碑文務載世德宋氏子孫必未能起
然獨見復古簡贊質又南朝士人氣尚卑弱字書
工者率以纖勁清媚為佳未有偉然巨筆如此
者蓋疑後世所書集古錄

梁招隱刹下銘

梁晉安王蕭綱撰不著書人名氏招隱寺刹王
之所建也王後即位是為簡文帝碑以晉通三

年九月立集古錄

唐荆王神廟碑

唐孫處玄撰正書无姓名先天二年三月立復齋

碑錄

唐荆王神祠記

唐張文瑾撰正書无姓名先天二年八月立復齋

碑錄

唐譙郡柏氏墓碑

卷五

分書無書撰人名氏篆額開元十五年八月十

五日建復齋碑錄

唐重修李子廟記

唐蕭定撰張從申正書大曆十四年八月金石錄

唐縣令盧國遷建碑記

建中元年立在李子廟集古錄目

唐縣令鄭播謁孔子廟題名

貞元三年集古錄目

唐招隱寺朗然律師碑

唐柳識撰釋常靜正書篆額建中三年撰集古錄目

貞元五年十一月七日樹碑復齋碑錄

唐玉蕊花詩

唐潤州刺史李德裕洪州刺史沈傳師贈谷王

藥花詩二首皆傳師書集古錄目

唐瘞舍利記

唐李德裕撰大和三年二月十五日立復齋碑

唐華中允墓誌

碑石磨滅書撰人中允名皆亡咸通八年刻集古錄目

唐尊勝陀羅尼經

唐于僧翰八分書咸通五年譙郡夏穆建集古錄目
僧翰筆畫雖道勁然失分隸之法遠矣所以錄
者亦自成一家而為流俗所貴故聊著之庶知
博采之不遺尔集古錄目

唐尊勝陀羅尼經幢

在今潤州墨寶亭中唐雲陽野夫王興之書字畫
頗為世俗所重故錄之以備廣採集古錄

唐封忠烈公隋司徒陳君新廟碑

唐顧雲撰正書姓名殘缺篆額乾符六年十月

立復齋碑錄

南唐重復練塘銘

呂延真述并書昇元七年刻并李華所述復練

塘頌亦延真書復齋碑錄

湖州

春秋屬吳。滅屬越。戰國屬楚。秦屬會稽。鄣二郡。漢屬會稽。丹陽二郡。東漢屬吳郡。吳孫皓分置吳興郡。晉宋齊梁陳因之。梁兼置震州。隋開皇九年平陳郡廢。仁壽中置湖州。大業初州廢。屬餘杭。吳二郡。唐武德四年復置湖州。天寶元年復曰吳興郡。周陞為宣德軍節度。皇朝景祐元年改昭慶軍。今縣六。烏程。歸安。安吉。長興。德清。武康。

漢梁相費君碑

隸書不著書撰人名氏君名汎字仲慮官至梁

相碑不載其鄉里及刻石年月集古錄目

其額題漢故梁相費君之碑云梁相諱汎字

卷五

廿

仲慮此邦之人也其先季父為魯大夫有功封費因以為姓秦項兵起避地於此遂留家焉碑無建立年月金石錄

漢故梁相費府君之碑篆額費君名汎堂邑令鳳九江太守政之父也鳳以威宗熹平中卒碑載二子所終之官此蓋其孫均所立故其銘有

穆穆顯祖之句隸釋

漢堂邑令費君碑

碑云惟熹平六年無射之月堂邑令費君寢疾卒嗚呼哀哉於是夫人元弟卜胤追而誄之其

後有銘詩碑所述費君事不甚詳悉而其名字

廿次官秩具載於碑陰金石錄

漢故堂邑令費君之碑篆額費君名鳳自郎中嘗宰新平故鄣堂邑三縣以靈帝熹平六年卒其妻之弟卜君追誄之乃作此碑其後有門下功曹題名者九人隸釋

漢堂邑令費君碑陰

漢石勳撰隸書不著名氏鳳字伯嘯漢安中歷守故鄣堂邑長勳自稱鳳舅家中孫文悉為五

字句不著所立年月集古錄

碑云君諱鳳字伯蕭梁相之元子九江太守之
長兄也其後為五字韻語詞頗古雅而時殘
缺不可次叙其前題君舅家中孫甘陵石勳字
子才所述云

金石錄

伯蕭碑陰者石子才之所作也子才甘陵人自
稱君舅家中孫瞻彼碑誄不堪哀思而叙之以
詩也其詩有云中表之思情兄弟與甥舅為與
女蘿性樂松之茂好聞君顯令名舉宗為歡喜
不寤奄忽終藏形而匿影又云策馬循大道蹇
裳而涉消憐之臨穴送君於厚土末又云一

別會無期相去三千里絕瀚永怆慷泣下不可
止賢哉石君不遠三千里而會中表之喪也今
之人以貴陵賤以富忽貧薄思_思敗禮喜不慶憂
不弔者幾何人也嗚呼觀此碑者情友親厚之
心可不悠然而生矣

集古後錄

費鳳別碑刻舅家中孫甘陵石勳詩一篇其辭
云瞻彼碑誄懷之好音謂卜君所作也其詩先
叙世系歷官繼以韻語六十句其三句六言餘
皆五言石君蓋鳳之中表也所述兄弟甥舅諸
姑伯姊夫人孝孫悲傷哀痛之意宛轉淒切費

氏父子三碑並列于吳興校官之壁不知者指
此為碑陰趙氏亦有斯誤 隸釋

陳烏程縣孝義寺塔銘并陰

釋慧景製天嘉二年立

碑陰吳興太守武陵王

碑缺

禎明元年八月

復齋碑錄

唐尊勝經幢

沙門明迥述正書開元五年五月建

諸道石刻錄

陳孝義寺碑并陰

陳人徐陵撰十世孫徐嶠之正書開元二十二

年正月十五日立在烏程

復齋碑錄

初陳徐陵為孝義寺碑至開元十三年陵十世

孫徐嶠之為湖州刺史再書而刻之因記其事

於碑陰

金石錄

徐陵文非佳而頗有內典故事又徐嶠之書有

法故漫錄之

東觀餘論

唐吏部常選沈待瑗墓誌

開元二十四年十二月刻

復齋碑錄

唐烏程令常承慶德政碑

唐沈務本撰沈仲昌正書肅宗至德二年二月

金石錄

唐金剛經尊勝經二石幢

唐朝議郎行河南府河陰縣主簿上柱國沈洽

建太原鄔彤書乾元二年八月三十日立新增

唐宣州博士沈縉墓誌

唐韋貞撰正書無名乾元二年十一月五日附

于東主山在武康縣復齋碑錄

唐封孔子為文宣王詔

唐明皇撰開元二十七年下大歷四年十月一

日孫沛建王金榮行書倒薤額復齋碑錄

唐修建功德碑

此種碑履抄本

唐湖州刺史蕭公創建佛室造三世佛及諸功

德等銘武康令韓章撰前衢州龍遊縣尉徐浩

書丘悌篆額大歷六年立復齋碑錄

唐立晉謝公碣

唐裴清撰僧道銳書大歷七年十月十一日龍

興寺沙門皎然建復齋碑錄

唐謝公碑陰記

行書無書撰人姓名大歷七年十一月金石錄

唐沈氏述祖德碑并碑陰記

碑下一半缺不見書撰人名氏大歷八年十二

卷五

廿五

月立復齋碑錄

唐千祿字書

唐濠州刺史顏元孫撰湖州刺史顏真卿書初
 元孫以字書分四體定為正通俗三體真卿以
 大歷九年正月刻石於湖州集古錄目
 千祿字樣別有撰本文注完全可備檢用此本
 刻石殘缺處多直以魯公所書真本而錄之尔
 唐公書刻石者多而絕少小字惟此注最小而
 筆力精勁可法尤宜愛惜而世俗多傳摸本此
 以殘缺不傳獨余家藏之集古錄

唐放生池碑

唐昇州刺史浙西節度使顏真卿撰并書肅宗
 乾元二年使驍衛即將史元琮詔天下自山南
 至浙西七道臨江置放生池八十一所真卿為
 天下放生池銘上之碑以大歷九年正月立集古錄目

唐乞御書放生池碑額表

表顏真卿書批荅唐肅宗御書表以上元二年
 上真卿時為刑部尚書碑以大歷九年立集古錄目

唐乞御書放生池碑額表碑陰記

唐顏真卿撰并書初肅宗既許書額未及下而
真卿貶碑不果立至大歷中為湖州刺史始追
建於州之駱駝橋東集批荅御書字以為額又
序其事於批荅碑陰以大歷九年立

集古
錄目

唐射堂記

唐顏真卿撰并書碑石缺訛文理斷續其事迹
不可攷大歷十二年四月立

唐項王碑陰述

唐顏真卿為湖州刺史重建項羽廟舊碑以大
歷七年五月刻記於碑陰

集古
錄目

唐湖州石記

碑字殘缺不見年月及書撰姓名驗其字畫顏
真卿書也凡湖州諸縣皆記其山川前古陵墓

集古
錄目

文字殘缺其存者僅可識讀攷其所記不可詳
也惟其筆畫奇偉非顏魯公不能書也公忠義
之節明若日月而堅若金石自可以先後世傳
無窮不待其書然後不朽然公所至必有遺跡
故今處、有之唐人筆蹟見於今者惟公為最
多視其鉅書深刻或託于山崖其用意未嘗不

為無窮計也蓋亦有趣好所樂尔其在湖州所書為世所傳者惟千祿字書放生池碑尚多見于人家而千祿字書乃楊漢公摹本其真本以訛缺遂不復傳獨余集錄有之惟好古之士知前入用意之深則其堙沉磨滅之餘尤為可惜者也

集古錄

唐烏程縣新陞望記

唐縣尉陳萇撰顏次公分書大歷十三年八月二十三日記

復齋碑錄

唐茶山詩并詩述

唐湖州刺史袁高撰前滁州長史徐璠書湖州之頌渚山歲修茶貢高為刺史感其採製之勤而作是詩其後于頔為刺史得之於壞垣為之序而刻之貞元七年立

集古錄目

唐詩述碑陰記

唐李吉甫撰徐璠正書貞元十年正月立

金石錄

唐白蘋亭記

唐李直方撰史錡八分書并篆額已卯歲作即貞元十五年也

諸道石刻錄

唐義興縣重脩茶舍記

史錫八分書訪碑錄

記云義興貢茶非舊也前此故御史大夫李栖筠實與是邦山僧有獻佳茗者會客嘗之野人陸羽以為茶香甘辣冠於他境可荐於上栖筠從之始進萬兩此其濫觴也厥後因之徵獻寢廣遂為任土之貢與常賦之邦侔矣每歲選匠徵夫至二十餘人云余嘗謂後世士大夫區區以口腹玩好之獻為愛君此與官官妾之見無異而其貽患百姓有不可勝言者如貢茶至末事也而調發之擾猶如此况其甚者乎羽蓋

不足道嗚呼孰謂栖筠之賢而為此乎書之可以為後來之戒且以見唐世義興貢茶自羽與栖筠始也金石錄

唐監官尉丘景朝墓誌

貞元十九年諸道石刻錄

唐紀功銘并將士題名

唐時佐元撰胡季良分書元和二年秋九月李

錡作亂至十月九日當州討平復齋碑錄

唐封崇孔宣父故事記

唐辛祕撰元和四年二月諸道石刻錄

唐丘氏太宗碑

元和四年十月二十二日建

唐烏程縣新水亭記

元和四年刻錄

唐永興寺碑

元和五年刻錄

唐永興寺僧伽和尚碑

裴昉撰胡季良篆額費濤行書元和九年十月

二日復齋碑錄

唐尊勝經寶勝幢贊

胡季良篆并書刻錄

唐卞山普廣寺養山記

唐吳國杼撰吳士良行書吳仁傑篆額元和十

四年三月二十日建復齋碑錄

唐大明寺賢聖冥道齋記

沙門鴻本書僧良建篆額大和元年十月復齋碑錄

唐德本寺碑陰

唐胡季良撰正書無姓名大和八年立復齋碑錄

唐立吳文皇帝廟碑

唐胡季良撰凌渭書大和八年立復齋碑錄

唐智者大師靈塔題

大和九年四月二十八日復齋碑錄

唐安公令嬪吳夫人墓誌

唐處士胡季良述并書大和九年五月復齋碑錄

唐重模千祿字令書

開成四年刺史楊漢公以舊本訛缺重模刻石

并為記附於碑後今其本比顏魯公所刻差完

可以備用集古錄目

真卿所書乃大歷九年刻石至開成中遽已訛

缺漢公以謂一二工人用為衣食之業故模多

而速損者非也蓋公筆法為世模楷而字書辨

正偽謬尤為學者所資故當時盛傳於世所以

模多尔豈止工人為衣食業邪今世所傳乃漢

公模本而大歷真本以不完遂不復傳故余并

錄二本並藏之以欲俾覽者知模本之多失真

也集古錄

歐陽文忠言楊漢公謂此書以工人用為衣食

之業故摹多而損速者非也蓋魯公筆法為世

楷模而字書辨正偽謬尤為學者所資故當時

盛傳於世所以摹多尔豈止工人為衣食業邪

此論甚善但云漢公模本多失真則不然今觀此書精穩勁媚殊得顏真楊自以為不差纖毫信矣然文忠又云千祿之注持重舒和而不局促余輒易之曰持重而不局促舒和而含勁氣迺盡魯公之筆意也

東觀餘論

唐新造白蘋洲五亭記

唐白居易撰馬續正書開成四年十月立金石錄

唐范處士妻蔡氏墓誌

鄉貢進士李矩撰大中二年諸道石刻錄

唐文宣王新廟碑

唐鄭言撰并書篆額大中三年復齋碑錄

唐魯府君墓誌

大中四年諸道石刻錄

唐陸文正墓誌

長男肱撰并正書大中十一年三月復齋碑錄

唐處士馮湍妻全夫人墓誌

大中十二年十二月復齋碑錄

唐姚華妻蔣夫人墓誌

大中十四年九月復齋碑錄

唐報德寺新建尊勝寶幢記

唐蕭徵撰張時暎正書咸通四年四月六日
記在長興復齋碑錄

唐重置興國寺冥陽齋社記

沙門簡章述并書篆額咸通四年癸未八月十
九日立在烏程復齋碑錄

唐尊勝經

唐于僧翰小字八分書咸通五年諸道石刻錄

唐烏墩市古山索靖王廟碑

唐朱和撰并書吳暉篆額咸通十三年歲在壬
辰四月立諸道石刻錄

唐李府君墓誌

咸通十四年五月復齋碑錄

唐三祖信心銘

沙門師立述沈咸正書并篆額乾符五年正月
三十日諸道石刻錄

唐渤海高君妻彭城劉氏墓誌

乾符六年在德清復齋碑錄

唐資聖寺宣和尚塔銘

沙門蘊讓述楊光中正書陳漢溫八分書額光

啓三年九月日復齋碑錄

唐尉術少卿沈公昇仙廟碣

唐於景休撰行書光啓三年六月六日記復齋碑錄

唐烏程縣修建廨署記

唐布衣楊夔撰并正書南嶽道士張賢篆額

乾寧三年正月七日建復齋碑錄

唐安定胡應夫人清河張氏墓誌

唐于景木撰正書天復四年正月復齋碑錄

唐大悲呪加句尊勝呪

天復四年諸道石刻錄

唐勅書褒戰功記

篆額行書諸道石刻錄

刺史李師悅碑

鍾離賓墓誌

頌渚山杜牧楊漢公題名

三碑諸道石刻錄

常州

春秋屬吳戰國屬越後屬楚秦漢屬會稽郡東漢屬吳郡晉太康二年屬毗陵郡惠帝改曰晉陵郡宋齊梁陳因之隋平陳郡廢置常州大業初州廢置毗陵郡唐武德三年復置常州天寶元年曰皇朝因之今縣四毗陵
晉陵 武進 無錫 宜興

漢許司農夫人劉氏碑

司農夫人碑漢太尉許儼之室也首行有標題

之文石已剝剝所存數十百字其漫漶者強半

惟次行獨全故知其姓劉氏而為山陰之人其

辭雖數句可讀如云辭性純泚非禮不行及孫

息盈房而已其云德配士列任似者以似為如也字畫多雜篆體所書以字全類孔宙碑其他偏旁多與故民吳公碑中山相薛君題額相類應劭漢官儀所載三公孝靈時有吳郡陽羨許馘季軼漢紀光緒四年馘以衛尉代劉寬為太尉今許氏兩墓皆在宜興而此碑猶在夫人塚旁吳處厚青箱雜記云義興有許馘廟其碑許劭所作唐開元中諸孫重刊碑陰有八字云談馬礪畢王田數七徐延休讀之曰談馬即言午言午許字礪畢必石卑石卑碑字王田乃千里

千里重字數七是六一六一立字今其殘碑終有數十字其間載許君自司農遷衛尉此文稱劉氏為司農夫人則銘墓時許猶未為衛尉也其碑在光緒之前無疑臨川王厚之云其友陽羨邵偉嘗泛舟過許氏叢冢見水濱一石舉而察之則許君殘碑也邵遂載以歸厚之字順伯樂古多聞山陰石臺鄉二佳士相與搜奇挾恠俾助此書為多 隸續

許氏先君祖誄

許氏先君祖誄隸額六字作一行下並無一字

存在宜興復齋碑錄

吳國山封禪碑

在宜興世謂之國碑諸道石刻錄

不著撰人名氏吳中書東觀令史立信中即將
蘓建家歸命侯天冊元年得玉璽於吳興文曰
吳真皇帝遂改明年元為天璽刊石告禪于國
山之陰其所述瑞應凡于有二百餘事集古錄目
吳國山碑者孫皓天冊元年禪于國山改元天
璽因紀其所獲瑞物刊石于山陰是歲晉咸寧
元年後五年晉遂滅吳以皓昏虐其國將亡而

衆瑞並出不可勝數後世之言祥瑞者可以鑒

矣集古錄

其前叙孫皓即位以後郡國祥瑞凡千餘言其
後云乃以渚灘之歲欽若昊天月正華元郊天
祭地紀號天璽又云丞相沈太尉璆大司徒爽
大司空朝等以為今衆瑞畢至三表納貢九珎
八埏無不被澤率按典繇宜行禪禮紀勒天命
遂於吳興國山之陰告祭刊石以對揚乾命廣
報坤德按皓以丙申歲改元天璽碑言渚灘之
歲是也皓淫虐無道人神憤疾而群臣方稱述

符瑞讚頌功德蓋刻石後四年遂為晉所俘矣
金石錄

晉樂毅論

石在故高紳學士家紳歿家人初不知惜好事者往就陶或摸傳其本其家秘藏之漸為難得後其子弟以真石質錢於富人而富人家失火遂焚其石今無復有本矣蓋為可惜也後有

甚妙二字吾亡友聖俞書也

集古錄

石本舊藏高紳學士家集古錄云紳歿其子弟以石質錢于富人而富人家失火遂焚其石非

也元佑間余侍親官徐州時故郎中趙竦被

旨開呂梁洪擊此石隨行已断裂用木為匣貯

之竦尤珍惜親舊有求墨本者必手摹以遺之

竦歿今遂不知所在

金石錄

高紳為湖北轉運使道中聞砧磬清遠因得此本于其覆而已断裂矣遂載以歸完理緝綴積以木箱所可辨者如此後世之傳布皆止於海字則其碎而不可緝者良可惜也

李之儀

樂毅論石刻有二本其一元豐初吳人得其石于太湖水中石缺過半背向皆有刻面十三行

背六行後題永和四年十一月二十四日書賜
官奴其上書異僧權即梁人朱异徐僧權也又
有草書兩行云知足下行至吳念遠離不可居
叔當西尔今十七帖中亦有此一帖然不可居
三字已缺不全後有小字一行云大和六年
中勒畢大和唐文宗年號疑若唐玄度兄弟所
摹蓋其字勢甚類玄度書故也其一即周越法
書苑所記高紳學士得其石於秣陵井中者是
也凡二十九行石缺一角後兩行只有最下一
字至海字止紳之子安世或于吳其家以石質

錢因沒入州民錢氏石已破為數片以鐵束之
當官者每令摹拓錢氏歎之紹言比失火焚毀
矣熙寧中吳大饑疫吾姻家趙子立以黃金買
得之于立每欲摹本必躬濡紙傳石以綿帛漬
墨拓之自此雖權勢皆不可得向之傳於人者
益寶之矣或以為舊傳樂毅論乃右軍親書于
石其後石入昭陵朱梁時溫韜得之復傳人間
即高氏本是也又按張彥遠法書要錄記智永
云樂毅論者正書第一梁世摹出天下殆之蕭
阮之後莫不臨摹又褚遂良記貞觀十二年内

出樂毅論是王右軍真蹟今直弘文館馮承素
模寫賜長孫無忌等六人于是在外乃有六年
並筆精妙備盡楷則又書譜云太平公主愛樂
毅論則天與之以織成錦袋盛之主敗籍沒咸
陽嫗窈舉袖中吏覺嫗投之竈中不可復得而
攷此數者之說未審孰是而子立所得高氏本
字勢奇絕非右軍親書于石以摸真蹟而刻之
者然石已破裂而字蹟稍存得者宜寶藏之平徐

甫

樂毅論淳熙癸卯歲徐仁叔持以見遺云此即

周越法書苑所記高紳學士得于秣陵井中者
也紳之子安世歿于吳其家以石質錢沒入州
民錢氏錢氏遺火石焚裂為數片雖未甚損缺
素厭州縣索取因紹以不存熙寧向吳中大饑
疫始出碎石求售趙子立損黃金數十兩得之
鐵掬匣藏躬自濡紙以綿帛漬墨泔取所傳于
人益寡子立死以授徐平甫徐氏二世秘藏不
以語人雖極加愛護以日就剝落今則石面盡
脫初見若不復有字側目細視僅存髣髴拓取
稍不槿石屑隨紙而起想不復能傳遠矣子立

名竦泉南人曾漕兩浙為都水使者二女無子
徐平甫諱康直實子立長婿仁祥名壽卿平甫
孫也因其說改之歐陽公集古錄云高神死
其子弟以石質錢于富人富人失火遂焚其石
今無復有本矣趙德甫金石錄云集古云非也
元祐間予侍親官徐州時故即官趙竦被旨南
呂梁洪挈此石隨行已断裂用木匣貯之竦甚
珍惜親舊有求墨本者必手摹以遺之竦歿今
遂不知所在蓋歐公為質錢所始而趙德甫不
知後歸徐氏也按褚遂良石軍書目樂毅論四

十四行而高神舊本存二十九行又缺一角損
者九行而最後二行止有一字至海字止字之
全者三百五十七今伯仁所摹可見者一百八
十九字又內二十二字不全竦瘦僅存字骨不
復見運筆勢矣予先得舊本校歐陽氏所藏文
忠公本分毫不異今又得此遂附其後可以見
物之變遷雖金石之堅亦就泯滅也
臨川王厚之

南齊紀僧真造釋迦像題

齊永明二年太歲甲子四月二十日弟子紀僧

真為亡弟僧惠敬造在宜興

復齋碑錄

南齊周僧徽等造像記

齊永元三年歲次己卯十二月初八日釋迦清

信弟子周僧徽僧義僧瓚僧琰等造復齋碑目

梁許府君墓誌

郡太守河南褚翔造大同三年太歲丁巳正月

丁酉朔十九日乙卯葬在宜興復齋碑錄

唐安國寺才法師碑

唐高智周撰呂保正書龍朔三年十月諸道名刻錄

唐立隋司徒陳公神祠碑

唐齊光義序裴遵銘陸曾書并篆額乾元三年

二月建石毀建炎三年重刻復齋碑錄

唐賀蘭夫人墓誌

唐兵部尚書陸贄撰據碑前書姪曾孫贄其下

字缺不完疑以贄所書也夫人河南人秘書監

陸齊望之妻封滎陽縣君碑貞元七年立集古錄目

唐立晉平西將軍周處廟碑

晉陸機撰王右軍書元和六年十一月重立在

宜興廟中復齋碑錄

唐遊善權寺詩

唐義興主簿羊士諤撰士諤門人李飛書元和

十三年刻錄目

唐東莞臧君夫人周氏墓誌

唐張師素撰無書人名氏元和十三年三月立

在義興復齋碑錄

唐立隋司徒陳公捨宅造寺誌

沙門德宣撰王遂書天寶四年述元和十五年

四月建

興寧寺律如珣大師塔銘

僧張彪撰述并書寶歷元年在無錫復齋碑錄

唐瑯琊諸葛府君墓誌

大中五年十月十一日己酉在宜興復齋碑錄

隋陳司徒告身并捨宅造寺疏序

唐俞珣撰并書大中八年五月金石錄

隋大業十一年陳果仁為朝請大夫告身并果

仁妻軫靜緣捨宅造寺疏同刻皆無書人名氏

捨宅疏通稱明政二年者李于通年歸也集古錄目

唐雅王府功曹殷繇墓誌

弟紹業撰并正書繇字舜臣大中十三年十二

月莖在義興復齋碑錄

唐李隲惠山寺詩

詩九首并記咸通十一年五月一日無錫令孫
元恭勒石復齋碑錄

唐宿惠山寺并詩

唐王武陵序并詩未宿竇群和貞元四年遊元
和二年竇群重遊為記正書咸通十二年七月
縣令周邦弼刊復齋碑錄

唐再建重居寺碑

唐任字摎蔣崧分書咸通十三年二月立復齋碑錄

唐報恩安國寺浮圖銘

正書無撰人名氏篆額咸通十三年十月立在

宜興復齋碑錄

唐興道觀新建齋堂記

道士周漢賓撰并正書蕪葉篆額乾符四年丁

酉七月七日丙午建復齋碑錄

唐忠烈公廟香爐贊

沙門蘊讓述天台敬人下碑錄云濮陽鵬書字

體甚恠乾符六年五月復齋碑錄

唐報恩寺知憲大師塔銘

唐張元逸撰并書篆額中和四年五月建復齋碑錄

唐立東漢岳亭侯蔣澄碑

唐薛希昌八分書正書額

諸道石刻錄

南唐義興縣道觀北極殿碑

徐鍇撰并八分書徐鉉篆額戊辰歲建碑復齋錄

孟簡修孟瀆記

崇勝戒壇記

善權寺重建寺勅

惠山寺尊勝幢

四碑諸道石刻錄

嚴州

春秋戰國屬越後屬楚秦屬會稽鄞二郡漢屬會稽丹陽二郡東漢屬丹陽吳二郡梁置新安郡隋平陳郡廢仁壽二年置睦州大業初州廢置遂安郡唐武德四年改睦州天寶元年曰新安郡皇朝因之今縣六
建德 青溪 桐廬
分水 遂安 壽昌

唐龍興寺碑

唐康希銑撰徐嶠之正書開元三年二月立石

錄

唐許尊師孝廬瑞芝記

唐何源撰并書正書額上元二年歲次辛丑十

卷五

四十五

二月一日記復齋碑錄

唐游靈巖瀑布記

唐前濮州別駕康仲熊遊靈巖瀑布記不著書
人名氏大歷十二年刻集古錄目

唐立嚴陵釣臺記

唐崔儒撰崔玄八分書并篆額興元二年四月

景辰建復齋碑錄

唐烏龍山有道先生許公碑

唐李師尚撰并書貞元十一年七月立公諱法
稜字道冲諸道石刻錄

唐大廳記二

凡二本其一唐元和七年睦州刺史李通古撰
其一

皇朝將作監丞知同廬縣刁衍撰自唐顯慶至
中和刺史一百一十五人

皇朝太平興國中知州事二人題名書皆一體
不著名氏雍熙二年刻集古錄目

唐立漢洛陽令方仙公碑

唐御史大夫張文成撰在青溪縣廟內訪碑錄

城隍神記

卷十四

馬目山新廟記

周堂書

二碑諸道
石刻錄

吳陸禕碑

秀州

春秋時吳越分境於此吳亡屬越，敗
屬楚秦屬會稽郡漢因之東漢晉宋屬
吳郡隋唐屬蕪州後屬杭州石晉時吳
越錢氏奏置秀州
皇朝因之今縣四
嘉興 華亭 海鹽 崇德

隸書不著書撰人名氏禕字元容吳郡吳人仕
吳至征北將軍海鹽縣侯碑以東晉泰寧三年

立 集古
錄目

碑云禕字元容其先家于陸鄉因氏姓烏仕至

黃門侍郎封海鹽縣侯碑以晉泰寧三年立 南
豐

集古錄

晉陸階碑

隸書不著書撰人名氏階字公毅禕之子也東
晉初官至宣威內史前將軍碑以咸和七年六
月立集古錄

唐處士沈元期墓誌

乾元二年十一月九日夫人吳興丘氏合葬附
於嘉興西五十七里車口村之舊里復齋碑錄

唐丘君夫人虞氏石表

唐梁肅撰黎燧正書貞元十年十月金石錄

唐寶花寺碑

唐殿中侍御史鄒儒立撰蘇州刺史于頔書秘
書監陸齊望有女為尼曰法興齊望捨宅為寺
以居之于渭等以永貞二年正月造寺始成立
此碑集古錄

唐處士李嶽墓誌

無書撰人姓名元和元年十二月復齋碑錄

唐新建法雲禪院記

唐沈斌述并行書大中十四年十月二十五日

記在華亭頤亭林市復齋碑錄

唐朗州龍陽令褚殘墓誌

唐徐罕撰正書無名乾符六年十月復為碑錄

唐吳郡陸駢墓誌

中和二年九月復為碑錄

唐光興寺記

唐譚匡合撰龍紀二年立在海鹽復為碑錄

吳越錢鏐金山廟刻石文

復為碑錄

江陰軍

梁分蘭陵縣置江陰郡隋平陳郡廢屬
常州唐武德三年置暨州九年州廢未
屬南唐置江陰軍
皇朝因之今縣一
江陰

唐西王母授黃帝秘訣

唐張從申書大歷四年冬

唐沛郡朱夫人墓誌

唐處士丁厚之撰正書無姓名大中九年九月

二十四日唐午復為碑錄

寶刻叢編卷第十四

寶刻叢編卷第十五

江南東路

建康府

錢塘陳

思纂次

春秋屬吳戰國屬越後屬楚秦屬鄣郡
 二漢屬丹陽郡吳王孫權初鎮丹徒謂
 之京城後徙都秣陵改為建業晉平吳
 以為丹陽郡及揚州刺史治東晉元帝
 渡江復都焉改丹陽太守為尹宋齊梁
 陳因之常以京口為重鎮隋平陳郡廢
 更于石頭城置揚州大業初復置丹陽
 郡唐武德三年置揚州七年復改為蔣
 州八年又改為揚州九年徙治江都
 以其地屬潤州至德二載新置江寧郡
 乾元元年屬曰昇州上元三年州廢陞為
 三年復置五代時南唐李氏竊據陞為

里
年復陞江寧府建康
節度
縣
上元江寧
句容
溧水
溧陽

漢校官碑

校官之碑隸額靈帝光和四年溧陽為其長潘君作紹興十三年溧水尉喻仲遠得之固城湖中碑今在溧水縣潘君名乾自曲阿尉來宰溧陽興學官誨賓射碑頌所由作也
隸釋

溧陽長潘君諱乾字元卓陳國長平人光初四

年十月己丑朔二十一日己酉造
本碑

漢奉車都尉耿君碑

漢隸碑額八字
復齋碑錄

漢武氏石室畫像

在府治紬書閣
諸道石刻錄

吳巖山紀功碑

篆書不著名氏今其文字斷續不可悉攷有曰天璽元年者其餘大抵言天錫識命之意按吳歸命侯天璽元年曆陽山石城文刻石作頌此當是也
集古錄目

吳天璽元年斷碑其前云上天帝言又云帝曰太吳一萬方又云天發神讖文天璽元年七月

已酉朔又云天識廣多不解者十二字嗚呼
其言可謂妖矣據吳志天璽元年秋八月鄱陽
言歷陽山石理成字凡二十明年改元大赦以
協石文今此碑乃在金陵驗其文與吳志所載
亦異莫可攷究孫皓在位凡八改元而六以符
瑞然竟不能保其國蓋人事不修而假託神怪
以矯誣天命其不終宜矣

金石錄

吳神識碣半無文理其粗成文者有云天發神
識多所未解者合五十泰字深甄歷數永歸
大吳可以為怪誕矣此碣初在江寧縣南二十

里石高二丈折為三段人因名其岡為斬石岡
烏至元和六年胡宗師移置漕圃前年冬余有
荆楚之後假道金陵見之金陵府舍其字方嚴
古雅殊有佳處張懷瓘云吳皇象喜書此

象書也皇象江都人仕至青州刺史

吳故衡陽郡太守葛府君之碑

晉故尚書左民郎建安太守史府君之墓誌

晉尚書令假節領軍將軍贈侍中成陽卞公墓誌

三碑諸道石刻錄

晉建威將軍竺使君碑二

晉故建威將軍益州刺史領建平太守平恩縣侯竺使君之碑隸額君諱瑤以泰光三年薨故吏張頌之等立此碑

又碑主簿費敷等立無額作兩段復齋碑錄

晉謝重墓誌

隸書小字晉驃騎大將軍開府儀同三司故長

史豫州陳郡陽夏縣都鄉吉遷里謝重字景重

隆安三年己亥六月二十二日丙午薨以七月

九日癸酉葬復齋碑錄

晉紀穆侯碑

凡二十四字曰晉故僕射散騎常侍驃騎大將

軍開府儀同三司紀穆侯之銘集古錄目

碑上伯成仕至司徒存四十九字在句容縣治

復齋碑錄

晉平西將軍廣漢侯葛府君碑

在句容縣西七里墓前訪碑錄

晉冠軍將軍史侯墓石柱

晉冠軍將軍中校尉北中郎將五兵尚書

刺史：侯墓石柱在溧陽諸道石刻錄

晉呂府君墓誌

卷十五

正書題云晉故尚書起居郎廬陵太守呂府君之墓誌在溧陽恐是唐人可立復齋碑錄

宋宗懿母劉夫人墓誌

不著書撰人名氏慈仕宋為散騎常侍荊州大中正洮陽縣侯夫人姓劉氏碑以大明六年立

集古錄目

不著書撰人名氏有誌無銘其後云謹牒子孫男女次第名位婚嫁如左益一時之制也集古錄

宋散騎常侍謝濟埋銘

碑云濟字明遠春秋四十有元嘉十八年歲

次屠維月旅林鐘十七日卒其年九月三十日

宅安于揚州丹陽郡建康縣東鄉土里山夫人

王氏大明七年歲次單閏十月十日四日合祔

復齋碑錄

宋湘宮寺水陸田記

太始年立復齋碑錄

齊海陵王墓誌

南齊長兼中書侍郎謝朓立不著書人名氏海

陵王名昭文文惠太子之子齊明帝廢其兄鬱

林王而立之在位一年又廢為海陵王集古錄

慶曆中予在金陵有饗人以一方石鎮而視之
若有鐫刻試取石洗濯乃宋海陵王墓銘謝朓
撰并書其字如鍾繇極可愛予携之十餘年文
思副使夏元昭借去遂託以墮水今不知落何
處沈存中

海陵誌在沈翰林括家沈慶曆中在金陵厨人
以方石鎮而視之有字刻乃此誌也後為人借
去不還遂亡所在此本今世殊難得然海陵乃
齊世而沈云宋海陵王非也又云謝朓撰并書
而誌但云朓立耳然言暉自以草隸名當時後

人因以飛花滿目殘霞照人此誌結字高雅必
眺書也東觀餘論

梁許長史舊館壇碑

梁隱士陶知景撰其前題曰弟子華陽隱居丹
陽陶知景謹造其傍又題曰此一行隱居手自
書其文不知誰所書也知景學道句曲山中有
晉許長史故居壇塔為之記頌碑額又有四字
曰靈天聖明不知為何語也在茅山集古錄目

陶知景撰孫文翰書天監十七年立在三晨觀

諸道石
刻錄
卷十五

梁永陽昭王敬太妃墓誌銘

徐勉奉勅撰細書無姓名普通元年十一月九

日己卯薨

復齋碑錄

梁侍中司空永陽昭王墓誌銘

徐勉奉勅撰細書無姓名梁武次兄齊建武四

年薨梁天監元年追贈普通元年十一月太妃

王氏薨合祔作誌

復齋碑錄

梁華陽石碣頌

梁普通三年五月五日略記正書無書撰人名

氏刻在許長史舊館壇記碑陰

復齋碑錄

梁茅君碑并兩側題名

不著撰銘人名氏梁茅山道士孫文韜書領道

士正張繹集茅山記茅君九錫文而刻之因為

之銘碑以普通三年立在茅山

集古碑目

三茅者蓋天元真君固定錄真君衷保命仙君

皆漢景帝中元間人蓋天漢四年道成至元帝

初元五年來江左句曲之山哀帝元壽二年乘

雲而去固至孝元時拜執金吾衷宣帝地節四

年拜上郡太守五更大夫並解任還家修學成

帝永始三年固為定錄真君衷為保命仙君梁

普通三年道士張祿建此碑孫文翰書南豐集古錄

普通三年壬寅五月壬辰朔十五日丙午

建立孫文翰正書碑陰石側題三洞法師

殷靈養左側題三洞法師魯郡周顛明以己卯

誕世尋真宗末德茂齊梁復齋碑錄

梁開善寺知藏法師碑

世號三蕭碑在蔣山按此碑紹興初為虜人所

焚諸道石刻錄

梁新安太守蕭幾撰序湘東王祿撰銘尚書殿

中郎蕭挹書法師姓顧氏吳郡吳人居鍾山開

善寺碑以普通三年九月立集古錄目

世號三蕭碑法師者姓顧氏幾挹皆稱弟子哀

世之弊遂至于斯余于集古錄而不忍遽棄者

以其字畫粗可佳捨其所短取其可長斯可矣

集古錄

此楷法自鍾元常後惟江左諸賢頗得之故蕭

殷中書是碑古雅可喜然下至隋唐其法遂亡

虞駿褚薛勿能逮也此可與識者論云東觀餘論

齊侍中蕭穎胄碑

齊侍中尚書令丞相巴東獻武公蕭穎胄碑晉

通五年太歲甲辰三月辛亥朔十日庚申鑄在

花林村復齋碑錄

梁侍中紹興忠武王碑

徐勉造貝文淵正書張明監作吳賢明

却元明上石在花林清風村復齋碑錄

梁侍中司徒鄱陽忠烈王墓誌

梁張纘奉勅造普通七年二月二十五日復齋碑錄

碑錄

梁散騎常侍司空安成康王碑

故州民前廷尉卿彭城劉孝綽撰奉朝請吳興

貝義淵正書在花林村復齋碑錄

梁臨川靖忠王神道二

梁故假黃鉞侍中大將軍揚州牧臨川靖惠王

之神道雙闕各二十一字去城三十里北城鄉

復齋碑錄

梁新瑜寬侯神道

梁故侍中仁威將軍新瑜寬侯之神道復齋碑錄

梁吳平忠侯蕭公神道

及書類隸字題云梁故侍中撫軍將軍開府儀

同三司吳平忠侯蕭公神道在花林村復齋碑錄

梁建安敏侯神道

梁故侍中左衛將軍建安敏侯之神道正書十

五字在淳化鎮復齋碑錄

梁故范府君神道

梁故昭遠將軍臨川王國侍郎范府君之神道正

書十八字復齋碑錄

梁故草堂法師之墓

篆書八字復齋碑錄

梁鄱陽王神道

正書諸道石刻錄

梁康王神道碑

篆書六字諸道石刻錄

梁史府園神道

梁故假節散騎常侍兗州刺史建昌縣開國侯

史府園之神道正書二十四字有武后時字恐

武后時立復齋碑錄

梁陶隐居墓誌

梁昭明太子蕭統撰蕭綱書無立石年月復齋碑錄

梁陶隐居法帖

在茅山三農觀

陳尼慧仙銘

碑首稱前安東諮議參軍而其下缺滅不見撰者姓名宣成王國常侍陳景哲書慧仙姓石氏譙人也為尼居慧福寺碑以天嘉元年立集古錄目

隋景陽樓下井銘

隋煬帝作文帝開皇九年煬帝以晉王為元帥伐陳滅之後主與張麗華自投于井帝為銘刻

于石井欄以為戒集古錄目

序云開皇九載年余奉聖略孟春正月至于偽都叔寶眾叛逃形天地乃與愛姬張麗華等投于

此井系之以銘隸于石檻之側者晉王廣也集古錄

隋平陳碑

薛道衡撰在上元縣石今亡諸道石刻錄

唐再立後漢史公神道碑

晉永和公八年立唐貞觀十四年十八代孫仲謨再立碑題云後漢司空驃騎將軍史公神道碑諸道石刻錄

唐太平觀主王遠知碑

唐道士江旻撰法主弟子徐碩隸書法主名遠

知字德廣瑯琊臨沂人有盛名于隋唐間太宗時建太平宮于茅山以處之碑以貞觀十六年

立在茅山集古錄目

唐華陽觀主王乾碑

唐江寧縣令于敬之撰王玄宗書先生名執字

洪範又字道棲琅琊臨沂人為道士師王遠知

茅山華陽宮其所建也碑以乾封二年十一月

立在茅山後有總章二年弟子李義廉題名集古

錄目

唐攝山明徵君碑

唐高宗撰高正臣行書王知敬篆額上元三年

四月立徵君者梁明山賓也高宗朝其裔孫崇

儼以方技進故立此碑舊唐史言高宗自製文

而書之非也蓋高宗撰文高正臣書耳金石錄

唐立吳太極左仙公葛公碑

梁陶隱居撰陳昇正書調露二年正月重建在

句容縣諸道石刻錄

唐王法主碑

唐鳳閣侍郎同鳳閣鸞臺平章事劉禕之撰揚

州登仕郎齊懷壽書法主名達知居茅山華陽

宮追贈金紫光祿大夫謚曰昇真碑以文明元
年立在茅山集古
錄目

唐句容令岑植德政碑

雍州錄事參軍張景毓撰業行寺僧翹徵書植
字德茂南陽棘陽人自潤州句容縣令召還縣
人為立此碑以景龍二年二月立集古
錄目

唐立晉建安太守史憲神道碑

晉建安太守山陰侯史公神道碑從孫蕤撰從
孫處權正書景龍四年二月立在溧陽復齋
碑錄

唐宗元宮碑

唐左拾遺孫處玄撰楊出經書宗元宮者宋文
帝路淑媛所立唐景雲二年制使道士葉法善
奉五冊授龍設齋碑以太極元年四月立在茅

山集古
錄目

唐永仙觀王宗先生碑

孫安撰周君儀書開元五年九月丁酉朔十
日景午立在溧陽復齋
碑錄

唐立梁貞白先生陶隱居碑

梁邵陵王蕭綸撰隸書不著名氏隱居名弘景
字通明丹陽秣陵人齊末為宜都王侍讀棄官

隱居句曲山中自號華陽隱居終于梁武帝時
贈中散大夫謚曰貞白碑額曰解真貞白先生

陶隱居碑：在茅山集古錄目

開元十二年九月三日建在茅山玉晨觀復齋碑錄

唐溧陽縣城隍廟記

蔣日用撰正書無名氏開元十七年己巳三月

三日癸巳建在舊縣城

唐景陽樓下井欄銘并記

開元二十二年江寧縣丞王震重刻并為記八

分書不著名氏其一潤州上元縣主簿張著撰

無刻石年月及書人名氏

不著撰人名氏述隋滅陳叔寶與張麗華等投

井事其後有銘以為戒又有唐江寧縣丞王震

并記云井在興嚴寺其石檻銘有序稱余者晉

王廣也其文字皆磨滅僅可識者其十一二叔

寶事前史書之甚詳不必見于此又嘗然錄之

以見煬帝躬自滅陳目見封寶事又嘗自銘以

為戒如此及身為淫亂則人過之豈所謂下愚

之不移者哉今其銘文隱隱尚可读處有云前

車不傾負乘將沒者又可歎也集古錄

陳後主并寶壽井記云江寧縣興嚴寺井石檻
銘莫知誰作也歷序隋文帝命晉王廣伐陳後
主自投井中令大取之驚其太重及出乃與張
貴妃孔貴人三人同束而上其末云唐開元二
十二年三月十七日前單公縣令左轉此縣丞
太原王已下闕南
豐集古錄

唐貞白先生碑陰

唐天台華峯白雲道士河內司學馬道隱子微
述并篆書開元二十三年四月立在玉晨觀復齋
碑錄

唐栖霞寺鐘銘

天寶三載諸道石
刻錄

唐明皇祠三清文

天寶七年立在茅山集古
錄目

唐明皇授籙碑

御製在崇禧觀天寶七年諸道石
刻錄

唐華陽洞唐玄宗授上清籙碑

唐張景頌撰諸道石
刻錄

唐華陽頌玄宗詔附

梁貞白先生陶弘景撰不著書人名氏唐天寶

九年紫陽宮主劉行矩等刻石集古
錄目

唐玄宗尊號曰聖文神武皇帝可謂盛矣而其
自稱曰上清弟子者何其陋哉集古錄

唐玄宗先生碑

唐祕書郎柳識撰大理司直張從中書李陽冰

篆額玄宗先生茅山道士李含光也碑以大厯

四年八月立集古錄目

張從中書李陽冰篆額唐世工書之士多故以

書名知者難目非有以過人者不能也然而張

從中以書得知名于當時者何也從申每所書

碑李陽冰多為之篆額時人必稱為二絕其為

世所重如此余以集錄古文閱書既多故雖不

能書而稍識字法從申所書棄者多矣而時錄

其一二者以名取之也夫非衆人之所稱任獨

見以自信君子于是慎之故特錄之必待知者

集古錄

紫陽碑乃張從申書李陽冰題歐文忠不喜從

申書集古錄屢言之殊不知從申乃効于敬書

頗有東晉風尚唐人知書者多故見重于世今

人反此歐陽公初不閑法書則從申之迹見棄

宜矣東觀餘論

唐福興寺碑

唐許登撰張從申行書并篆額大歷五年六月

一日壬辰建在江寧縣復齋碑錄

唐立晉顏含大宗碑

含十四世孫唐撫州刺史顏真卿撰并書真卿

罷撫州過含墓因叙含而下十五世子孫名字

事迹立此碑以大歷六年十一月立集古錄目

唐立晉顏含碑

晉江夏季李南撰傳含曾孫宗金紫光祿大夫顏

延之撰銘十四世孫唐前撫州刺史真卿書含

字知都瑯琊臨沂人東晉初官至右光祿大夫

平西侯謚曰靖此銘舊有刻石大歷七年四月

真卿重建集古錄目

唐玄靖先生後碑

唐湖州刺史顏真卿撰并書先生名含光廣陵

江都人本姓知避孝敬皇帝諱改為李氏玄宗

師事之加號玄靖先生詔居茅山碑以大歷十

二年五月立集古錄目

唐白鶴廟記

唐柳濶撰劉明素書大歷十三年諸道石刻錄

唐王師乾神道碑

唐中書侍郎平章事揚館撰大理司直張從申書師乾字脩然瑯琊臨沂人官至諫議大夫盧循道三州刺史碑以大歷十三年立在句容集古錄

張從申書余初不甚以為佳但恠唐人多稱之第錄此碑以俟識者前歲在毫社回與秦珩郎中論書珩學書于李西臺建中而西臺之名重于當世余因問珩西臺學何人書云學張從申也問珩識從申書否云未嘗見也因以此碑示

之珩大驚曰西臺未能至也以此知世以鑿書為難者誠然也從申所書碑合絕不行于世惟予集錄有之者吳季子碑陰記崔圓頌德碑并此錄集古錄

唐祭酒史公碑

唐賈曾撰徐浩書李陽水篆額代宗時立在溧陽復齋碑錄

唐華陽三洞景昭大法師韋公碑

唐陸長源撰竇眾書并篆額貞元三年正月上

元造在茅山玉晨觀復齋碑錄

唐孝子張常洵旌表碑

并門閭勅旌表碣贊附

唐貞元五年旌表張常洵門閭勅一道并紀孝

行碑前許昌主簿高字撰旌表碣贊句容主簿

承瓌撰皆同刻不著書人名氏常洵字巨川句

容人居父喪廬墓過期有芝草生墳上故見旌

表

集古錄目

文字磨滅僅可見其髣髴蓋孝悌之為名人之

所甚慕而旌表非一世勅也故特錄之者借其

將遂不見于後世也其文辭筆畫亦自佳然

不專取乎此也

集古錄

唐玄宗賜李練師詩詔

唐進士任良友書練師名含光號真靖先生玄

宗所賜詩凡三首詔勅十練師所上表并答詔

十五貞元十四年道士包無際等刻石在茅山

集古錄目

唐三茅君下洎宮記

唐黃洞元撰盧士元書貞元十五年

諸道石刻錄

唐摠悟上人鍾山林下集序

唐處士石洪撰序桂府觀察判官張謐諸暨縣

尉盧建上元縣尉盧少連詩共三首皆洪書為

卷五

九

鍾山僧德悟所作也以貞元二十年十二月立

唐高陽郡許守珪墓誌

元和四年復齋碑錄

唐脩下泊宮記

唐浙西觀察判官王師簡撰道士任泰玄書下

泊故茅君宅也在三茅山下元和中浙西觀察

使薛莘修以為宮并立三茅君像以元和九年

立此碑

唐紫陽觀常任莊園等記

長慶三年八月立在茅山玉晨觀

復齋碑錄

唐崔玄亮遊山題記

唐刑部尚書崔玄亮長慶三年遊山題記在茅

山集古錄目

唐幽棲寺冲素和尚塔記

唐汝門靈遵行書長慶三年歸化寶曆二年正

月起塔三月十日畢二復齋碑錄

唐崇元聖祖院碑

唐常州刺史賈餗撰前陳州叅軍徐緝古八分

敬宗即位詔天下求有道之士李德裕為浙西

觀察使以道士周息元薦于朝為建此院勅賜
號崇元聖祖院碑以寶曆二年立在茅山集古
錄目

唐鴻禧院記

唐賈餗文

諸道石
刻錄

唐茅山三像記

八分書與崇元聖祖院記一辭書李德裕既建聖

祖院并立玄宗皇帝孔子尹喜三像援引傳記

事迹作此記以寶曆三年刻

集古
錄目

唐李德裕撰德裕自號上清玄都大洞三景弟
子上為九廟聖主次為七代先靈下為一切含

識敬造老君孔子尹真人像三軀此固陋巷庸
鄙人之所為常德裕為之有不足恠然以孔子與

老君為伍而又居其下此豈止德裕之獨可罪

耶今史記載孔子問禮于老聃聃戒孔子去其

驕氣多慙而孔子歎其道猶龍之語著于耳目

自漢以來學者未有以為非者豈止德裕之罪

哉

集古
錄

唐仙壇山銘

并石天尊像一唐道士周道賜書銘不著撰人
名氏初道士宋文幹以山石自然成形因立壇

其後縣令岑仲瑛石為像碑以昭歷三年立在
深水集古錄目

唐右補闕陸沔題名

沔自稱麋鹿臣字為篆書大和三年題在茅山

集古錄目

唐景陽井掬口銘

篆書不著名大和四年六月刻在行宮復齋碑錄

辱井有篆文云辱井在斯可不戒乎并不文共

十八字在井口檻上不知誰為文

南豐集古錄

唐炉峯道場鐘銘

僧世用述趙景玄行書大和四年七月復齋碑錄

唐攝山栖霞寺賢聖會記

釋善言撰周士年行書并題額大和五年九月

十五日復齋碑錄

唐沈傳師攝山題名

正書大和七年六月金石錄

唐修水陸無遠齋題

大和七年六月諸道石刻錄

唐禁山碣

并大和七年禁樵採勅同刻在茅山諸道石刻錄

唐平泉院魚身田記

開成中立諸道石刻錄

唐趙浩書金剛經

正書僧清濟篆額開成五年正月立

復齋碑錄

唐李德裕遙傷孫尊師詩

唐李德裕遙傷孫尊師詩三首寄題黃先生舊

館詩一首附試秘書省校書郎裴方質八子德

裕時為司空平章事以會昌三年刻在茅山集

目錄

唐重換司空廟殿記

據碑司空漢光武時人二十三世孫唐杭州臨

安縣令有則易其廟之故殿立此碑從生重厚

撰族人文察書而皆不著姓當光武時為司空

者非一人而有則于唐而不顯不知其為何人

也有則自稱宗長又有宗副都枝長宗正宗錄

都孔目廟祝衡陽侍郎等諸枝長孔目及職司

題名者數十人皆其族人也碑以會昌六年八

月立在溧陽集古錄目

唐重修吳大帝廟階記

唐河陽三城節度團練衙推石湘撰不著書人

名氏永寧縣主簿周知素重修大帝廟階以大
中六年立此記集古錄目

唐重建開善寺碑

唐宋整撰宋渙正書并正書額咸通三年十月

建復齋碑錄

唐僧伽殿記

不著書撰人名氏僧伽殿潘昉等可立并題名

數十人碑以咸通七年立集古錄目

唐奉禮郎戴府君誌

正書小字分書額懿宗時立在溧陽縣復齋碑錄

唐孝子張府君旌表碑

唐王丞福書雷琮題額咸通十三年刻諸道石錄

唐攝山栖霞寺律大德碑

唐王如珙撰沙門澄觀正書大曆四年三月建

乾符五年十一月重立復齋碑錄

唐藩城院碑

唐進士劉驥撰陶貞固正書并篆額中和三年

七月十五日立在溧水復齋碑錄

唐立西漢御史大夫趙王廟記

林雲撰中和三年三月二十七日復齋碑錄

唐車府君誌

唐天成軍都虞侯淮南押衙車府君誌光啓元年十二月二十八日立無書撰人名復齋碑錄

唐重立許長史舊館壇碑

梁陶隱居撰并書普通二年正月記唐裴行矩重立諸道石刻錄

唐三茅山記

唐人書不著名氏脩記三茅山四面可至地里

遠近集古錄目

唐景陽井欄記

唐閬州上缺縣主簿張著撰無書人名氏并刻

石年月集古錄目

唐禮部侍郎信州刺史劉大真碑

唐裴度撰蔣潼正書在溧水縣諸道石刻錄

鳳凰臺記

武仙重碑

玉霄菴碑

三碑諸道石刻錄

吳開善寺浴院并記

無撰人姓名李陶正書并篆額順義七年六月

缺日記復齋碑錄

吳徐溫鑄興化院鐘記

武義二年十月二十三日立在府城香林寺復齋碑錄

吳徐公重建靈寶院記

道士王西霞撰道士呂子元正書并篆額太和

三年重光辛單閏九月九日癸巳記復齋碑錄

南唐牛首山祖堂幽棲禪院佛殿記

沙門無業撰沙門慶安正書并篆額昇元二年

庚子二月記

南唐宋齊丘鳳台山詩刻二十韻

宋齊丘天祐八年題昇元三年奉勅立石王昭

顏奉勅正書治平四年重撰復齋碑錄

南唐天王記

不著書撰人名氏溧水縣人許儒造石天王像

以昇元六年立此記集下碑目

南唐方山洞玄觀勅還舊鐘記

道士劉日新撰道士李希曜正書并篆額保大

元年十月七日立復齋碑錄

南唐保寧院鐘贊

保大二年諸道石刻錄

南唐義井記

保大三年刻諸道石

南唐保大香爐記

保大三年乙巳歲五月二十四日己未記復齋碑

南唐中興佛窟寺碑

孫忌撰尉遲樞正書王文秉篆額保大四年丙

午二月五日建復齋碑

南唐方山寶華宮碑

撰人缺鵞行書王文秉篆額并鐫保大四年六

月五日建復齋碑

南唐張懿公碑

殷宗義撰朱銳正書保大六年刻諸道石

南唐辟支佛大廣現身記

周彥崇撰孟文益行書保大六年刻諸道石

南唐保大井欄銘記

保大八年三月內建造此井復齋碑

南唐祈澤寺碑

釋契思撰并正書篆額保大八年庚戌六月二

十八日建復齋碑

南唐清涼寺悟空禪師碑

韓熙載撰并分書篆額保大九年七月二十五

日立復齋碑錄

南唐祭悟空禪師文碑

碑保大九年諸道石

南唐貞素先生王栖霞碑薛玄博大師

徐鉉撰并篆額徐錯分書王文秉刻字保大壬

子復齋碑錄

南唐重立吳太極左仙公葛公碑

梁陶隱居撰保大十四年丙辰七月辛卯朔立

日乙未重建復齋碑錄

南唐題葛仙公碑陰文

句容縣令王玄撰并書男邕題額保大十四年

中秋月庚申朔記復齋碑錄

南唐青元觀九天使者功德殿記

賈穆述王燮書保大十五年諸道石

南唐紫陽觀碑

徐鉉撰楊元鼎書并篆額王文秉刻己未歲十

二月一日建復齋碑錄

南唐徐錯茅山題名篆書

太歲庚申弟子徐錯敬謁復齋碑錄

南唐般若心經

篆書不著名王文秉刻字諸道石刻錄

其後八分題曰左千牛衛兵曹參軍王文秉刻

字文秉南唐人善篆書此經字畫與文秉他所

書相類然不知何以但稱刻字也石在人家集古

錄目

南唐許真人并銘

徐鉉撰并篆書在玉晨觀諸道石刻錄

南唐蔣莊武帝廟碑

徐鉉撰朱銑正書諸道石刻錄

南唐玄博大師王君碑

徐鉉撰篆書并題額諸道石刻錄 徐鐸八分

南唐小篆千文

王文秉篆書建隆元年刻石在茅山集古錄目

小篆千文者江南人王文秉書其後題云大唐

庚申歲者建隆元年也偽唐李煜自周師取淮

南畫江為界以稱臣遂削去年號奉周正朔然

世宗特許其稱帝故文秉猶稱唐而不書年號

直云庚申歲也文秉在江南篆書遠過徐鉉而

鉉以文學名重當時文秉人罕知者學者皆云

鉉筆雖未工而有字學一點一畫皆有法也文
秉所書獨余集錄屢得之此本得于大學揚南
仲集古

南唐紫陽宮石磬銘

張猷撰王文秉筆建隆二年刻石在人家集古

紫陽石磬銘余獨錄于此而不附他書者文秉

之書罕見于今也小篆自李陽冰後未見工者

文秉江南人其字畫之精遠過徐鉉而中朝之

士不知文秉但稱徐常侍者鉉以文章有重名

于當時故也歲在辛酉晉天福六年李昇之昇

元五年也五代干戈之際士之藝有至于斯者

太平之世學者可不勉哉集古

騎省石

在句容縣治徐鉉曾題名故為騎省石諸道石

南唐延賓亭記宋齊

南唐龍山泉銘

南唐題明徵君墓詩徐錯

南唐金剛藏經殿碑

韓熙載撰并書四碑諸道

宣州
 春秋屬吳戰國屬越後屬楚秦屬鄣
 郡二漢屬丹陽郡吳為重鎮晉徙丹
 陽于建鄴而其地置宣城郡宋齊
 梁陳因之梁兼置南豫州隋平陳郡
 廢改州為宣州大業初復置宣陳郡
 郡唐武德三年曰宣州天寶元年曰
 宣城郡吳陞為寧國軍節度
 宣朝因之今縣六
 宣城 南陵 涇縣
 寧國 旌德 太平

唐修東門頌

唐武平一撰張敬玄書并題額開元十一年立

訪碑錄

唐良史記

卷十五

唐大理司直押監察御史陳簡甫撰大理司直

陳泰階書大歷中宣州刺史陳碑不著名采開元以

來州之良吏刺史裴曜卿刺史兼江西採訪使

班景倩竹承構裴敦復贈刺史李侁司功參軍

張邈凡六人刻石為之記侁常為涇縣令終于

宣州長史廣德初浙中盜起過宣州者皆相戒

不入其間討擊使以聞贈宣州刺史碑以大歷

四年立集古錄目

唐宣歙觀察使薛芑去思頌

唐崔巨撰裴業分書并篆額大歷十四年八月

五日立復齋碑錄

唐顏魯公殘碑

大歷十四年諸道石刻錄

唐禪定寺通公碑

唐嚴綬撰顏頤正書永貞元年十一月二十五

日建復齋碑錄

唐杯渡禪師影堂碑

唐朱存撰釋巨鄰篆書太和三年立在隱靜山

復齋碑錄

唐修敬亭府君廟記

唐劉重鈞撰大和十年立在廟中訪碑

唐崔從龜撰僧元孚書會昌二年立復齋碑錄

唐鄭薰記顏魯公題蒲塘客旅

唐宣歙池觀察使鄭薰記大中十一年十一月十九日復齋碑錄

唐新興寺碑

唐歙州刺史盧肇撰并書越州刺史楊巖篆額新興寺在宣州宣宗大中初悉復武宗所毀佛寺刺史裴休修之而立此碑以大中二年立

集古錄目

唐疊嶂樓記

刺史獨孤霖書咸通十二年十二月辛亥復齋碑錄

吳新興寺崇福院五百羅漢碑

天德崇義正書大和癸巳歲十月建復齋碑錄

多寶塔記

孟拱辰書諸道石刻錄

琴高亭頌

杜稔撰八分書諸道石刻錄

南唐涇縣文宣王廟記

徐鉉記徐鍇篆書太歲丁未十月九日吳光轉
徐廷祚立 復齋 碑錄

南唐袁石題

徐廷祚篆書保大五年在涇縣 復齋 碑錄

南唐魏惠王神道碑

常夢錫撰書人殘缺王文秉鐫保大七年己酉

十二月建 復齋 碑錄

南唐彰城寺鐘銘

神仙戒

鄭畋文 二碑 諸道 石刻錄

徽州

春秋屬吳戰國屬越後屬楚秦屬鄣郡
二漢屬丹陽郡吳孫權分置新都郡晉
武帝改為新安郡宋齊因之唐武德四
年復置歙州大業初置新安郡唐武德
皇朝因之統縣六
歙縣 休寧 祈門
婺源 黟縣

唐薛稷祠堂記

陳允升撰李灝分書篆額年月漫滅 諸道石 刻錄

南唐婺源都置制新地記

劉津記正書并篆額昇元二年十月五日 復齋 碑錄

卷十五
江州
古揚荆二州之境春秋戰國屬楚秦屬

漢屬廬江豫章二郡晉惠帝
置尋陽郡兼置江州初治豫章成帝咸
康六年移治尋陽中流襟帶常為重鎮
宋齊梁陳因之隋平陳郡廢大業初州
廢置九江郡唐武德四年復置江州天
寶元年曰尋陽郡
皇朝因之今縣五
德化 德安 瑞昌
湖口 彭澤

江州

古揚荆二州之境春秋戰國屬楚秦屬
漢屬廬江豫章二郡晉惠帝
置尋陽郡兼置江州初治豫章成帝咸
康六年移治尋陽中流襟帶常為重鎮
宋齊梁陳因之隋平陳郡廢大業初州
廢置九江郡唐武德四年復置江州天
寶元年曰尋陽郡
皇朝因之今縣五
德化 德安 瑞昌
湖口 彭澤

宋慧遠法師碑

宋謝靈運撰張野序不著書人名氏慧遠姓賈

氏雁門人東晉末居于廬山東林碑在廬山古集

隋西林道場碑

隋太常博士歐陽詢撰不著書人名氏筆畫道
勁或以為公自書按兩京記隋改寺為道場碑
以大業十三年立在廬山西林寺集古錄目

渤海公在隋為太常博士時作不著書人名氏
字畫道勁世或以為公自書公時年尚少又字
法與公書不同不知何人書也集古錄

碑題太常博士歐陽詢撰而不著書人名氏余
家藏隋魏辯墓誌元壽碑皆率更在大業中為
博士時所書與此碑字體絕不類知其非率更

書也金石錄

唐佛馱禪師舍利塔碑

唐李湛撰碑在縣學堂教明乾符書開元十八年五月立
月二十九日建復齋碑錄

唐新叔東林寺菜園記

唐魯德璠撰林菱正書鄧初篆額咸通四年九

月三日復齋碑錄

唐狄梁公碑

唐皮日休撰錢雍分書并篆額咸通五年立在

彭澤縣脩真觀復齋碑錄

唐觀察使武陽公常公寫真贊

唐苗紳撰咸通八年書在東林寺諸道石刻錄

唐重建東林寺大德言公碑

唐苗紳撰裴光遠分書并篆額咸通九年十二

月十三日建復齋碑錄

唐廣平公舊國記

唐薛正己撰劉詢書并篆額光啓二年六月二

十一日立在東林諸道石刻錄

唐圓通大師碑

唐裴廷裕撰張文祐捨手書訪碑錄

南唐重修東林寺記

韓王知證記孟拱辰分書并篆額昇元六年七

月一日復齋碑錄

南唐太乙真人廟記

韓王知證記孟拱辰行書并篆額昇元六年七

月二十九日立復齋碑錄

唐西林題名

唐顏魯公書永泰丙午六月題集古錄目

唐東林寺慧遠法師影堂碑

唐李演述僧惟高書王適篆額貞元中建武宗

時廢宣宗大中八年七月再立諸道石刻錄

唐東林寺律大德熙怡大師碑

唐許克佐撰李行言分書并篆額貞元十二年

八月建武宗時廢宣宗大中八年再立諸道石刻錄

唐東林寺經藏碑

唐李肇撰元和七年九月建武宗時廢大中十

三年七月八日馮譔重書再立并篆額復齋碑錄

唐東林寺律大德榮公碑

唐吉州司戶許克佐撰吳郡陸蔚之書并篆額

元和八年端午建武宗時廢大中八年七月再

立復齋碑錄

唐東林寺臨壇大德塔頌

唐劉軻撰弟子雲臯正書元和八年十月建武

宗時廢大中八年七月重立諸道石刻錄

唐崔融遊東林寺詩

正書無姓名元和十三年二月十九日曾孫江

州刺史能重刻復齋碑錄

唐興果寺律大德秦公塔碣

唐白居易撰僧雲臯正書長慶二年閏十月一

日建武宗時廢宣宗大中八年七月十五日重

立復齋碑錄

唐題東林寺影堂碑陰

唐李渤撰僧雲臯正書長慶三年三月七日立

復齋碑錄

唐庐山峯頂寺臨壇大德法真碑

唐李弘慶撰僧雲臯正書長慶三年四月立

復齋碑錄

唐東林寺律大德熙怡石墳哀誌銘

唐侯高撰僧雲臯正書長慶四年五月十三日

立復齋碑錄

唐辨石鐘山記

唐李渤字濟之撰不著書人名氏彭蠡湖之口

有石鐘山鄴道元注水徑以為水石相薄為鐘

音因以得名渤游山中見有圓石叩之其鳴如

鐘土人曰此石鐘也故為此記以辨之渤時隱

居白鹿洞稱白鹿先生後官至桂管觀察使大

和元年故吏吳文幹刻石在湖口鎮

集古錄目

唐東林大師真堂記

唐倪臣明書并篆額大和三年

諸道石刻錄

唐栖霞寺大德玘律師碑

唐劉軻撰沙門雲臯正書齊餘篆額大和四年

七月十一日建武宗時廢宣宗大中八年七月

二十三日再立復齋碑錄

唐水閣院律大德齊明和尚碑

唐鄭素卿撰僧真道行書大和六年三月六日

建大中八年再立諸道石刻錄

唐東林寺德化王童置白氏文集記

僧匡白記余文真正書倪臣明篆額大和六年

八月十二日諸道石刻錄

唐東林寺白氏文集記

唐白居易記僧雲臯正書大和九年八月金石錄

唐寶稱大律師塔碑

唐秘書丞史館修撰劉軻撰江州司戶參軍陳

去疾書前振武節度參謀李庭彥篆額律師江

南講僧也名智滿陶靖節之九世孫始出家于

寶稱寺故以為號碑以開成四年立大中八年

重建在廬山集古錄目

碑以開成四年四月二十七日建武宗時廢大

中八年七月二十三日重立復齋碑錄

唐曾汾去東林詩

會昌三年七月十三日刻在毗師碑陰諸道石刻錄

唐東林寺觀音方丈記

江夏僧元楚記東夷溟島大玄谷冲寂野史書
大中六年二月十五日復齋碑錄

唐撫州景雲寺上弘和尚石塔碑

唐白居易撰李克恭正書段全律篆額大中八年七月十五日重立在東林寺復齋碑錄

唐隴西子德題名

大中十年同遊刻石西林寺諸道石刻錄

唐東林寺建碑記

唐張又新撰裴光遠篆額大中十年四月三十日復齋碑錄

唐復東林寺碑

唐湖南觀察使潭州刺史崔黯撰散騎常侍柳公權書寺在江州先被廢至宣宗時復立碑以

大中十一年四月立在廬山東林寺集古錄目

會昌中被廢大中初黯在為江州刺史而復之

集古錄目

唐韋宙施錢再造徑藏堂字題

大中十二年刻石在東林寺諸道石刻錄

唐裴諷題名

刻在齊朗和尚碑陰大中十四年六月諸道石刻錄

裴諷

唐徑藏院碑陰記

唐撫州刺史蔡京撰正書無名大中十四年五

月 諸道石刻錄

南唐弥勒菩薩上生殿記

楊弼撰正書任大三年二月二十日杜昌業建諸道石刻錄

南唐太公觀華真人殿碑

道士倪少通撰道士韓位書正書并篆額任大二年十月復高碑錄

南唐東林寺上方禪師舍利塔記

彭信撰并篆額伊延道正書任大十年歲次丙辰十月庚申建王

南唐文宣王殿記

徐鉉撰諸道石刻錄

南唐張靈台記

徐鉉撰并篆額歲次癸酉上元立諸道石刻錄

南唐義門陳氏書堂記

徐鉉撰并篆額諸道石刻錄

池州

春秋屬吳戰國屬越後屬楚秦屬鄣郡
二漢屬丹陽郡晉屬宣城郡宋齊梁陳
隋因之唐武德四年析宣州置池州貞
現元年州廢永泰元年復置後曰池陽


皇朝因之今縣
貴池 青陽 桐陵
建德 石埭 東流

唐張嶙府君墓誌

唐釋勵躬撰正書無名貞元十四年十一月十

一日立在建德縣復齋碑錄

并書凡詩五首武陽郡公常丹詩



原件短缺

卷16缺内容

四年刻錄目

唐崔澣撰 京屯金 石錄

法王和尚塔碑

僧迦斌撰立光道書 諸道石 刻錄

饒州 以下俱闕 信州 太平州 南康軍

江甯西路

隆興府 贛州 吉州 袁州 撫州

瑞州 臨江軍 建昌軍

寶刻叢編卷第十八

寶刻叢編卷第十六

錢唐陳思纂次

荆湖 江南南路 俱闕

潭州 衡州 道州 耒州 郴州

荆湖北路 俱闕

江陵府 鄂州 沔南府 復州 帶德府
峽州 岳州 歸州 辰州 荊陽軍

